




10922





蔡昆一首

唐温如一首

李歸唐一首

成幹一首

馬希振

蔣維東

胡耀

曾弼

戴偃

張林

孟不疑

鄭翽

郭思

史瑜

卷第九

徐學士仲雅六首

劉學士昭禹十四首

李學士宏臯二首

何學士仲舉一首

鄧進士洵美一首

歐陽左丞彬一首

沅湘耆舊集前編目錄

三十一
夕文

陸處士蟾三首

狄處士煥三首

劉魯風一首

徐蘭臯一首

衡山舟子一首

屈祠遊客一首

永州舜廟詩一首

無名氏七首

譚意歌一首

卷第十

方外名釋

釋寶掌二首

釋明瓚二首

懷素二首

隱山和尚二首

惟儼一首

麗蘊七首

景岑三首

護國一首

崇哲一首

守安一首

大易一首

法振二首

清江一首

無可五首

夕泰一首

可朋一首

曇域一首

修睦十首

元會一首

卷第十一

方外名釋

釋皎然十九首

釋貫休十一首

虛中四首

棲蟾八首

栖霞一首

乾康三首

卷第十二

方外名釋

釋齊己一百二十七首

沅湘耆舊集前編目錄

四

卷第十三

方外名釋

釋齊己九十四首

卷第十四

方外仙道

黃敬一首

軒轅彌明二首

湘中老人一首

無名道士一首

方迴一首

盧侯二仙二首

蘇耽一首

馬明生三首

嚴起一首

呂祖師六首

張白二首

陸禹臣一首

吳涵虛一首

沈道者一首

許碯二首

伊用昌三首

章江書生一首

樵夫一首

芒屨道人一首

劉元英一首

賣藥道人一首

南嶽仙二首

卷第十六

女仙神鬼

杜蘭香二首

魏夫人二首

羅郁三首

張潤玉四首

南溟夫人一首

羅襪仙子五首

洞庭君一首

錢塘君一首

柳毅一首

洞庭龍女一首

水府君五首

南嶽神一首

湘江神二首

湘中蛟女三首

沅湘耆舊集前編目錄

五

湘君一首

湘夫人一首

曾城夫人一首

龍女一首

湘妃廟八首

湘妃三首

黃陵美人一首

商山三丈夫二首

巴陵館鬼一首

湘中女子一首

魚腹丹文一首

袁少年詩二首

白衣女子一首

胥偃一首

玉牒文

雲陽山記

識記歌謠

聖桃源記

衡嶽記

玉砂石刻

邵州石龜文

王子思歸歌

湘江漁者歌

祝良求雨歌

劉壽求雨歌

綠蘿山歌

三洲歌

武陵人諺

南土謠

應后歌

邵州老農歌

乳穴謠

馬殷浚城石碣篆

馬希振葬地碣

沈彬壙篆

潘何詩賦語

益陽諺

昭潭謠

桂管童謠

湖南童謠

長沙童謠

湘中童謠

長沙童謠

沅湘耆舊集前編目錄

六

古井銘

胡曾諧語

蔡押衙洞庭湖詩

巴陵雅

卷第十七

宋

曹監丞衍一首

伍主簿彬一首

潘桂州若冲三首

歐陽黃岡詹一首

畢侍講田十首

歐陽員外程一首

陳祕丞瞻一首

劉祕丞隲二首

朱侍郎昂一首

蔣進士緯一首

卷第十八

陶邕州弼三十七首

路司諫振三首

孫少卿頌一首

周駕部世南一首

狄主簿遵度三首

陳通判起一首

柳都官應辰二首

卷第十九

周子三十二首

周司封壽一首

周待制燾二首

何弁仲一首

卷第二十

蘇養直庠十七首

侯縣丞友彰一首

胡進士時中一首

鄧考功忠臣二首

黃太府誥二首

劉漕使次莊三首

彭提舉天益一首

朱桂陽輅二首

沅湘耆舊集

前編目錄

七

唐運判績二首

周御史裕二首

侯鈴轄延年一首

歐陽進士子槐一首

卷第二十一

侯藤州彭老二首

譚進士綸一首

王寧化觀國一首

吳武昌景偁一首

羅吏部孝芬一首

王宣撫以甯二首

謝法曹用賓一首

鄧轉運深

卷第二十二

李朝議長庚十五首

李舍人揆二首

姚教授宋佐一首

趙忠肅方三首

易尙書政六首

王侍郎容一首

趙制置范一首

趙忠靖葵五首

趙建寧潛二首

卷第二十三

劉武子翰七首

胡好問景裕一首

唐德明人鑑一首

蔣克之擴一首

董道輔一首

李練溪儒用二首

鄒孝行輓五首

毛伯明友誠一首

方叔行輓二首

秦公肅盟一首

吳材卿必達一首

廖天民行之二首

賀童子德英三首

郭參政鳳二首

卷第二十四

沉湘者舊集前編目錄

八

雪磯先生樂雷發五十九首

卷第二十五

雪磯先生樂雷發八十五首

卷第二十六

李太常芮一首

何進士揚祖一首

廖御史元圃二首

郭進士新一首

余舉人宏孫二首

李進士琳二首

蔡說一首

郭三聘一首

趙楷一首

王壺一首

莊宥節一首

丁叔巖一首

歐陽慶甫一首

周光嶽一首

吳棟一首

吳虎一首

鄧燦一首

劉浚一首

洞庭老人一首

瀟湘漁父一首

仙人橋石刻一首

幕阜山詩一首

無名氏六首

卷第二十七

忠義遺民

李忠節公芾一首

陳節士子全一首

趙節士淮一首

魯逸老仕能

梁遺民棟二十六首

王聖與夢應五首

唐清父涇四首

尹希呂謙孫一首

丁復見開四首

鄧德父希恕二首

沅湘耆舊集前編目錄

九

吳鉞

李應春

羅太岳

羅太亨

王南美一首

瀟湘漁父一首

卷第二十八

閩閩名媛

易山齋妻一首

趙信庵姬一首

韓娥二首

徐君寶妻一首

卷第二十九

方外名釋

僧祖可十一首

釋顯萬七首

釋文政一首

釋惠崇一首

釋省回一首

釋斯植六首

釋懷志一首

釋谷泉一首

德止一首

佛慧一首

大椿一首

紹珏一首

長修一首

釋道璨一首

蜀僧一首

湘僧一首

文喜

卷第三十

方外名釋

釋惠洪四十首

卷第三十一

道流仙鬼

陳田夫二首

盛曠一首

曹道冲一首

皇甫渙一首

李思聰一首

羅道成三首

沅湘耆舊集前編目錄

十月〇

邵琥一首

張虛白一首

張白膠一首

白玉蟾二首

蕭湘子一首

眞一子一首

徐鈞者一首

醉道人一首

回先生五首

無上宮主一首

何仙姑一首

桃源三夫人三首

湘妃廟神一首

潭州女子一首

圓澤一首

趙淮一首

天篆山鈴碑文

已下金石歌諸

大凌峯鐘銘

桃源石刻

慈幼歌

蠻歌

鼎禮謠

春陵語

眞西山祠頌

卷第三十二

元

歐陽文公元二十二首

卷第三十三

歐陽文公元八十六首

卷第三十四

馮待制子振八十三首

卷第三十五

陳主簿泰三十三首

卷第三十六

沅湘耆舊集

前編目錄

十一文八

文太常矩九首

馬教授熙四十九首

卷第三十七

胡傲軒天游五十四首

卷第三十八

胡傲軒天游五十四首

卷第三十九

湯教授彌昌三首

李舉人邦彥一首

馮提舉福可一首

楊待制翰八首

鞠宜都志元二首

余進士觀四首

余御史嘉賓五首

楊常寧子春一首

歐陽訓導子敬一首

余巡檢岐一首

許元信一首

李祐一首

劉盪儀二首

羅大珣一首

張翔一首

陳楚春

無名氏一首

李純道一首

僧圓至一首

已下僧道
神女謠諺

妙鑠一首

定林祖師一首

靈應觀石壁一首

楊道圓一首

盤陀神女一首

便河謠

柳侯頌

卷第四十

希蘧先生李祁七十五首

沅湘耆舊集

前編目錄

七

沅湘耆舊集前編目錄終

新化 鄧顯鶴 子立審編

男琮謹輯

晉

羅君章含

含字君章桂陽耒陽人曾祖彥臨海太守父綏榮陽太守君章少孤爲叔母朱氏所養少有志尙嘗晝臥夢一鳥五色文彩異常飛入口中因驚起說之朱曰鳥有文彩汝後必文章名世由是藻思日新弱冠辟三州不就後爲郡功曹刺史庾亮以爲部江夏從事太守謝尙與爲方外之好嘗稱曰羅

沅湘耆舊集

前編卷第一

川上文

君章可謂湘中之琳瑯尋轉州主簿桓温臨州又

補征西參軍轉州別駕以解舍喧擾於城西池小

洲上立茅屋伐木爲牀織葦爲席而居布衣蔬食

晏如也温嘗與僚屬讌會君章後至温問衆坐曰

此何如人衆曰可謂荆楚之材温曰此自江左之

秀豈惟荆楚而已徵爲尙書郎温雅重其才又表

轉征西戶曹參軍俄遷宜都太守温封南郡公引

爲郎中令屢遷散騎常侍侍中轉廷尉長沙相年

老致仕加中散大夫門施行馬初君章在官舍有

一白雀棲集堂宇及致仕還家庭階忽蘭菊叢生

人以爲德行之感卒年七十七所著文章多佚惟

湘中記猶時見古籍稱引今拾記中語畧著於篇亦風騷之遺迹翫逸之餘音爲數典者不能忘也

湘中記

帆隨湘轉望衡九面青巖若黠黛素湍如委練湘川清照五六丈下見底石如楞蒲白沙如霜雪赤崖若朝霞

陳

陰子堅鏗

三十二首

鏗字子堅南平人仕梁爲湘東王法曹行參軍陳天嘉中爲始興王中錄事參軍累遷晉陵太守員外散騎常侍卒子堅之先爲武威姑臧人自其高

沅湘耆舊集

前編卷第一

二川

祖襲晉義熙末隨宋武帝南遷至南平因家焉子堅祖知伯與武帝有舊父子春皆仕至梁秦二州刺史卒於江陵陰氏家南平蓋已五世矣梁陳二書及南史各傳皆無異詞陳振孫書錄解題直書

曰南平陰鏗不復言祖貫矣考宋書州郡志南平

內史吳南郡治江南領江陵華容諸縣晉武帝太康元年分南郡江南爲南平郡治作唐卽今之安

鄉隸澧州子堅之爲澧州人無可疑者方志陋習每牽引外來名人以爲重此獨見遺自來談楚故

者亦不之及湖南通志竟不爲立傳豈文獻通考亦未見耶子堅五言詩本爲當時所重世稱陰何

今錄所見為一卷冠前編之首亦談藝者所必先

也文獻通考經籍考陰鏗集一卷陳氏曰陳敬騎

李侯有佳句往往似陰鏗今考之未見鏗之所以

似大白者太白固不易似也子美云爾殆必有說

九善五言詩為增輯陰鏗字子堅南平人博涉史傳

行鶴者因回酒炙以授之眾坐皆笑鏗曰吾儕終

日酣酒而執爵者不知其味非人情也及侯景之

亂鏗當為賊禽或救之獲免鏗問之乃前所行觴

者陳文帝嘗宴羣臣賦詩徐陵言之帝即日召鏗

預宴使賦新成安樂宮鏗援筆便就帝甚歎賞用

兼優神采融徹辭精意徹名之非酒也少陵論曰太

白比之曰李侯有佳句往往似陰鏗東觀餘論曰太

陰鏗風格流麗與孝穆子山相長雄乃沈宋近體

之推輪也采菽堂古詩選陰鏗詩極新雋聲調既亮

無齊梁陶澀之習而琢句極思務極新雋聲調既亮

物亦必搖曳出之務使窮態極妍不有直率此種

清思更能運以亮筆一洗玉臺之陋頓沈宋之

風且覺比玉臺則特妍校沈宋則尤媚六朝不淪

沅湘耆舊集前編卷第一

三十七

於晚唐者全賴有此大雅君子振起而維挽之宜

乎太白仰鑽少陵推許榛塗之闕此功不小也後

人評覽古詩不詳時代妄欲以漢魏望之此既不

體漫曰此是五古遂欲以漢魏望之此既不倫因

見其漸類唐調又欲以初盛律擬之彼又不知各

妄曰六朝無詩否亦曰六朝之擬自成一體可因

概以為是卑靡者未足與於風雅之列不知時各

有體變各有妙况六朝介於古近體之間風格相

承神爽變換中有至理不盡心於此則作律不由

古詩而不自多俚率凡近古於溫厚之音故梁陳

堅集其稱首也更且無論前古後漢魏蘇李三曹

渡青草湖

耳使人神情洋洋不覺自樂

洞庭春瀟瀟平湖錦帆張沅水桃花色湘流杜若香穴去
茅山近江連巫峽長帶天澄迴碧映日動浮光行舟返遠
樹度鳥息危檣滔滔不可測一葦詎能航

和侯司空登樓望鄉

懷土臨霞觀思歸想石門瞻雲望鳥道對柳憶家園寒田
穫裏靜野日燒中昏信美今何益傷心自有源

廣陵岸送北使

行人引去節送客艤歸爐卽是觀濤處仍爲郊贈衢汀洲
浪已息邗江路不紆亭嘶背櫂馬檣轉相風鳥海上春雲
雜天際晚帆孤離舟對零雨別渚望飛鳧定知能下淚非
但一楊朱

原詩亭嘶
二句生動

沅湘耆舊集前編卷第一

四

江津送劉光祿不及

依然臨送渚長望倚河津鼓聲隨聽絕帆勢與雲隣泊處
空餘鳥離亭已散人林寒正下葉釣晚欲收綸如何相背
遠江漢與城闔

原評中六句語語有
致是惆悵不及意

和傅郎歲暮還湘州

蒼茫歲欲晚辛苦客方行大江靜猶浪扁舟獨且征棠枯
絳葉盡蘆凍白花輕戍人寒不望沙禽迴未驚湘波各深
淺空軫念歸情

開善寺

鷺嶺春光遍王城野望通登臨情不極蕭散趣無窮鷺隨
入戶樹花逐下山風棟裏歸雪白窗外落暉紅古石何年

臥枯樹幾春空淹留昔未及幽桂在芳叢

行經古墓

偃松將古墓年代理當深表柱應堪燭碑書欲有金迴墳
由路毀荒隧受田侵霏霏野霧合昏昏隴日沈懸劍今何
在風楊空自吟

原評表柱二句何
其古雅受字亦佳

和登百花亭懷荆楚

江陵一柱觀潯陽千里潮風煙望似接川路恨成遙落花
輕未下飛絲斷易飄藤長還依極荷生不避橋陽台可憶
處惟有暮將朝

原評落花二句
詩情亦復游颺

新成安樂宮

新宮實壯哉雲裏望樓臺迢迢翔鴟仰連翩賀雀來重檐
沅湘耆舊集

前編卷第一

五

寒露宿丹井夏蓮開砌石披新錦梁花盡早梅欲知安樂
盛歌管雜塵埃

原評胡元瑞詩數曰此詩氣象莊嚴格調
鴻整平頭上尾八病咸除切響浮聲五音

並協實百代
近體之祖

班婕妤怨

栢梁新寵盛長信昔恩傾誰謂詩書巧翻爲歌舞輕花月
分窗進苔草共堦生接淚衫前滿單眠夢裏驚可惜逢秋
扇何用合歡名

原評花月分
窗進句新妍

蜀道難

王尊奉漢朝靈關不憚遙高岷長有雪陰棧屢經燒輪摧
九折路騎阻七星橋蜀道難如此功名詎可要

奉送始興王

良守別承明枉道暫逢迎去帆收錦絳歸騎指蘭城紛紜
連山暗潺湲派水清桂晚花方白蓮秋葉始輕背飛傷客
念臨岐憫聖情分風不得遠何由送上征

渡岸橋

畫橋長且曲傍險復憑流寫虹晴尙飲圖星晝不收跨波
連斷岸接路上危樓欄高荷不及池清影自浮何必橫南
渡方復似牽牛原評寫虹二句作致

遊始興道館

紫臺高不極清谿千仞餘壇邊逢藥鈔洞裏閱仙書庭舞
經乘鶴池遊被控魚稍昏蕙葉斂欲暝槿花疏徒教斧柯
爛會自不凌虛原評語必作致猶是魚鶴加被控經乘字自有致結亦警

沅湘耆舊集前編卷第一

六川三

閒居對雨

蘋藻降靈祇聰明諒在斯觸石朝雲起從星夜月離八川
奔巨壑萬頃溢澄波綠野含膏潤青山帶濯枝嘉禾方合
穎秀麥已分岐寄語紛綸學持竿詎必知原評觸石二句雅對句押離字尤雋典雅語更以新雋爲佳

和樊晉陵傷妾

畫梁朝日盡芳樹落花辭忽以千金笑長作九泉悲鏡前
塵劇粉機上網多絲戶餘雙入燕牀有一空帷名香不可
得何見返魂時原評荒涼悲切

晚出新亭

大江一浩蕩離悲足幾重潮落猶如蓋雲昏不作峯遠戍

唯聞鼓寒山但見松九十方稱半歸途詎有蹤

晚泊五洲

客行逢日暮結纜晚洲中成樓因岨險村路入江窮水隨

雲度黑山帶日歸紅遙憐一柱觀欲輕千里風原評凡寫景寫色能

令極鮮濃乃佳五六得此妙祕

遊巴陵空寺

日宮朝絕磬月殿夕無扉網交雙樹葉輪斷七鐙輝香盡

匳猶馥幡塵畫漸微借問將何見風氣動天衣

侯司空宅詠妓

佳人遍綺席妙曲動鴟弦樓似陽臺上池如洛水邊鶯囀

歌扇後花落舞衫前翠柳將斜日俱照晚粧鮮原評五六盛唐佳句

沉湘耆舊集前編卷第一

流麗自然

經豐城劍池

清池自湛澹神劍久遷移無復連星氣空餘似月池夾篠

澄深滌含風結細漪唯有蓮花萼還想匣中雌

西遊咸陽中

上林春色滿咸陽遊俠多城斗疑連漢橋星象跨河影裏

看飛轂塵前聽遠珂還家何意晚無處不經過

觀釣

澄江息晚浪釣侶柁輕舟絲垂遙濺水餌下暗通流歌聲

時斷續楫影乍橫浮寄言濯纓者滄浪終滯游原評三四輕俊楫影

橫浮畫不能盡橫字佳

天漢支機罷仙嶺博棊餘零陵舊是燕昆池本學魚雲移
蓮勢出苔駮錦紋疏還當穀城下別自解兵書原評通首是李嶠董思恭詠物但對仗精工彼已不及若五六好句則二家百篇中無此一語

侍宴賦得夾池竹

夾池一叢竹垂翠不驚寒葉醞宜城酒皮裁薛縣冠湘川
染別淚衡嶺拂仙壇欲見葳蕤色當來兔苑看

雪裏梅花

春盡寒雖轉梅舒雪尙飄從風還共落照日不俱消葉開
隨足影花多助重條今來漸異昨向晚判勝朝原評從風兩物令極縹渺筆揀仙姿結亦雋

沅湘耆舊集

前編卷第一

八川上川

閒居對雨

珠案已下四首均見淵鑑類函

四溟飛旦雨三徑絕來遊震位雷聲發離宮電影浮山雲
遙似帶林葉近成舟茅檐下亂滴石竇歌環流寄言一高
士如何麥不收

南征閨怨

湘水舊言深征客理難尋獨愁無處道長宵不自禁逢人
憎解佩從來懶聽音唯當有夜鵲南飛是妾心

秋閨怨

獨眠雖已慣秋來只自愁火籠恆煖腳行障鎖牀頭眉含
黛俱淺嗁將粉共流誰能無限別唯守一空樓

賦得神仙

羅浮銀是殿瀛洲玉作堂朝遊雲暫起夕餌菊恆香聊持履成燕戲以石爲羊洪崖與松子乘羽就周王

五洲夜發

已下二首
見古詩紀

夜江霧裏闕新月迴中明漕船惟識火驚覺但聽聲勞者
時歌榜愁人數問更

詠雀

依池屢獨舞對影或孤鳴乍動軒墀步時轉入琴聲

沅湘耆舊集前編卷第一

九

沅湘耆舊集前編卷第一終

沅湘耆舊集前編卷第二

新化 鄧嶺鶴 子立審編

男琮謹輯

唐

歐陽率更詢 二首

詢字信本潭之臨湘人 今長沙縣 祖頤陳山陽郡公謚

穆子父紇襲封山陽公廣州刺史以反誅誅當從

坐匿而免江總以故人子私養之信本貌腹俊敏

悟絕人總教以書記每讀輒數行同盡遂博貫經

史仕隋為太常博士高祖微時引為賓客及即位

累遷給事中武德七年詔與裴矩陳叔達撰藝文

沅湘耆舊集前編卷第二

一川上七

類聚一百卷貞觀初歷太子率更令宏文館學士

封渤海男卒年八十五率更好書初做右軍而險

勁過之因自名其體尺牘所傳人以為法高麗嘗

遣使求之帝歎曰彼觀其書固謂形貌魁梧耶嘗

行見索靖所書碑觀之去數步復返及疲乃布坐

至宿其傍三日乃得去其所嗜類此又常讀書長

沙之臨湘鄉有山名書堂山山頂有洗筆池池水

常黑子通儀鳳中累遷中書舍人居母喪詔奪哀

每入朝徒跣及門夜直藉藁以寢非公事不語還

家輒號慟年饑未克葬居廬四年不釋服冬月家

人以擅絮潛置席下通覺即徹去累遷殿中監封

渤海子書亞於父號大小歐陽體率更父子皆工

書而無詩今僅得率更二首大唐新語長孫無忌嘗戲朝詢曰聳聘成

山字埋肩不出頭誰家麟閣上畫此一獼猴詢應聲答云索頭連背暖漫襜畏壯寒只由心渾渾所

以面團團太宗笑曰汝不畏皇后耶無忌后之弟也案此同嘲宋國詩均見全唐詩諧龍

道失

已惑孔貴嬪又被辭人侮花殘一何榮七字誰曾許不下

結綺閣空迷江令語瑠戈動地來誤殺陳後主唐音統籟云此首見

戲鴻堂帖

嘲宋國公蕭瑀宋公蕭瑀不解射九日太宗賜射瑀

謂瑀曰此四十字章疏也瑀由是與詢有隙

急風吹緩箭弱手馭強弓欲高翻復下應西還更東十迴

沅湘耆舊集前編卷第二

俱著地兩手並擎空借問誰為此多應是宋公

史監門青一首

青零陵人聰敏強記開元初上書自薦能詩且云

子建七步臣五步之內可塞明詔明皇試以除夕

上元竹火籠等詩應口而出上稱賞授左監門衛

將軍今存詩一首

應詔賦得除夜

今歲今宵盡明年明日催寒隨一夜去春逐五更來氣色

空中改容顏暗裏回風光人不覺已著一作後園梅

劉水部復十六首

復大歷閒登進士第官水部員外郎全唐詩不詳

其里貫存詩十六首楚風補錄其送王倫詩玩詩
蘓意固湘人也今仍楚風補錄入案全唐詩中多
有不著籍貫而其詩往往類湘人者如裴說詩一
卷多湘中作全唐詩說亦無里貫蜀人李調元全
五代詩以爲桂州人是已此外如李咸用譚用之
輩均不言何地人咸用詩至多其湘浦有懷起句
云鴻雁哀動朔方餘霞倒地書瀟湘落句云儂
家本是持竿者爲愛明時入帝鄉和人湘中作起
云湘川湘岸兩荒涼孤雁號空動旅腸結云不及
東流趨廣漢臣心日夜與天長又旅館秋夕云牢
落生涯在水鄉只思歸去泛滄浪非湘人而何至

沉湘耆舊集

前編卷第二

三 八川文

秋日送嚴侍御歸京云蟾影珪圓湖始波楚人相
別恨偏多則明明自署楚人矣譚用之有憶南中
詩云碧江頭與白雲門別後秋霜點鬢根長記學
禪青石寺最思共醉落花村林閒竹有湘妃淚窗
外禽多杜宇魂未棹扁舟重回首采薇收橘不堪
論又江邊秋夕云曲內橘香江客笛字中嵐氣嶽
僧書送僧中孚南歸云一錫冷涵蘭徑路片帆香
挂橘洲煙其秋宿湘江遇雨一詩則村塾選本皆
有人人能道者尋其語意欲不謂之湘人不得也
緣諸人工詩不第不見重於鄉里久之遂無有知
爲湘人爾今不敢遽定而發其端於此以待後人

遊仙

稅駕倚扶桑逍遙望九洲二老佐軒轅移戈戮蚩尤功成棄之去乘龍上天遊天上見玉皇壽與天地休俯視崑崙宮五城十二樓王母何窈眇玉質清且柔揚袂折瓊枝寄我天東頭相思千萬歲大運浩浩悠悠安用知吾道日月不能周寄音青鳥翼謝爾碧海流

寺居清晨

高枕對曉月衣巾清且涼露華朝未晞滴瀝含虛光隔竹聞汲井開扉見焚香幽心感衰病結念依法王青冥早雲飛杳靄空鳥翔此情皆有釋悠然知所忘

沅湘耆舊集

前編卷第二

四 川 八 上

出東城

步出東城門獨行已徬徨伊洛泛清流密林含朝陽芳景雖可矚憂懷在中腸人生幾何時冉冉隨流光願得心所親尊酒坐高堂一爲浮沈隔會合殊未央雙戲水中鳧和鳴自翱翔我無此羽翼安可以比方

經禁城

日沒路且長遊子欲涕零荒城無人路秋草飛寒螢東南古丘墟莽蒼馳郊垆黃雲晦斷岸枯井臨崩亭昔人竟何之窮泉獨冥冥蒼苔沒碑版朽骨無精靈俛仰寄世閒忽如流波萍金石非汝壽浮生等臊腥不如學神仙服食求

出三城畱別幕中三判官

翔禽託高柯倦客念主人恩義有所知四海同一身况皆曠大姿翰音見良辰陳規佐武畧高視據要津常願投素誠今果得所申金罍列四座廣廈無氛塵畱連徂暑中觀望歷數旬河山險以固士卒勇且仁飭裝去未歸相追越城闔愧無青玉案緘佩永不泯

送劉秀才南歸

鳥嘯楊柳垂此別千萬里古路入商山春風生灞水停車落日狂罷酒離人起蓬戶寄龍沙送歸情詎已

送王倫

春江日未曛楚客酣送君翩翩孤黃鶴萬里滄洲雲四方沅湘耆舊集

前編卷第二

五 川 卷 八

各有志豈得常顧羣山連巴湘遠水與荆吳分清光日修阻尺素安可論相思寄夢寐瑤草空氛氲

長相思

長相思在桂林蒼梧山遠瀟湘深秋堂零淚倚金瑟朱顏搖落隨光陰長宵嘹唳鴻命侶河漢蒼蒼隔牛女甯知一水不可渡况復萬山修且阻綵絲織綺文雙鴛昔時贈君君可憐何言一去瓶落井流塵歇滅金爐前

長歌行

淮南木落秋雲飛楚宮商歌今正悲青春白日不與我當爐舉酒勸君持出門驅馳四方事徒用辛勤不得意三山海底無見期百齡世閒莫虛棄君不見金城帝業漢家有

東制諸侯欲長久，姦雄竊命風塵昏。函谷重關不能守，龍蛇出沒經兩朝。胡虜憑陵大道銷，河水東流宮闕盡。五陵松柏自蕭蕭。

春遊曲

春風戲狹斜，相見莫愁家。細酌蒲桃酒，嬌歌玉樹花。裁衫催白紵，迎客走朱車。不覺重城暮，爭栖柳上鴉。

雜曲

寶劍飾文犀，當風似切泥。逢君感意氣，貰酒杜陵西。趙女顏雖少，宛駒齒正齊。嬌多不冝別，更待夜烏啼。

春雨

細雨度深閨，鶯愁欲嬾啼。如煙飛漠漠，似露溼淒淒。草色

沉湘者舊集

前編卷第二

六

川八

行看靡花枝，暮欲低曉聽。鐘鼓動早送，錦障沉。

夕次襄邑

何處成吾道，經年遠路中。客心猶向北，河水自歸東。古戍飄殘角，疏林振夕風。輕舟難載月，那與故人同。

夏日

映日紗窗深，且閑含桃紅。日石榴殷銀瓶，纓轉桐花井。沈水煙銷金博山，文簾象牀嬌倚瑟。綵匳銅鏡嬾拈，環明朝戲去誰相伴。年少相逢狹路閒。

送黃曄明府岳州湘陰赴任

擬占名場第一科，龍門十上困風波。三年護塞從戎遠，萬里投荒失意多。花縣到時銅墨貴，葉舟行處水雲和。遙知

布惠蘇民後應向祠堂弔汨羅

禪門寺暮鐘

奠簾高懸于闔鐘黃昏發地殷龍宮遊人憶到嵩山夜聲

閣連樓滿太空

段處士宏古 三首

宏古安鄉人剛峭寡合不事產業不交非義年五

十不能祿呂温守道州嘗客馬後謁竇羣容州歿

旅舍柳宗元為誌其墓并祭以文有詩三首子厚

古墓志銘段處士宏古讀縱橫書剛峭少合尤獲

落不事產人或交之度非義輒去以故年五十不

就祿嘗以法家言抵御史大夫何士幹延以上座

將用之會士幹死聞襄陽節度使于頔愛人大言

遂干以兵畫一見喜甚居月餘頔終不可與立功

又遁去隴西李景儉東平呂温高氣節尚道義聞

其名求見大權閉門下或一歲或半歲與言不知

日出温卒景儉逐前拾遺張宿與然諾南見中山

劉禹錫河東柳宗元二人者言於御史中丞崔公

時降治永州知其信賢微其去又南抵好義容州

扶風竇羣途過桂柱守舊知君拒不為禮君憤怒

發病不旬治日平生益困於俗笑吾安用生為埋

年加老接跡無所容益困於俗笑吾安用生為埋

道邊耳居六月死逆旅中崔公為出涕命特贈賜

致其喪來永州哭為祭之與喪具道里費葬禮州

沅湘耆舊

前編卷第二

七

上

洪古傳洪古安鄉黃山人柳子厚志其墓又祭以
文畧云經經以終堅不可磨游得其仁友擇其益
始如可進終會於厄又曰君昔來辱備聞嘉言宵
會北堂晝宴南軒去適於越不日茲旋載限我居
望再北轅今者之子來丹旒有願信惟天所祐觀
厚之於洪古可謂密友誌中不言及詩文或不廢
於風雅耶然而剛毅之性不貪不倚亦足以想其
人之生平矣今其墓不可考然而洪古之名則與

黃山同不朽矣嗟乎元和至今將千有餘歲迄今獨傳一洪古則知爲士者非行誼文章必不足以壽其姓字若夫建功業以垂聲後世則遇合存乎人不可必也人亦爲其可必者而已

秋懷

野澗平收潦水香園林恰似鄭公鄉
嬾雲未許寒風捲落葉從他零露傷
夜靜猿聲添客淚朝聞雁字引詩狂
生涯不共秋光老濁酒丹經一釣航

孤竹

亭亭骨屹短牆顛搖曳空明漾
素妍帶雨微添寒鶴淚淺霜不受野雲憐
老松立地同高節芳草何心弔謫仙
抱此孤根滋九畹青山一道送流泉

奉陪呂使君一作樓上夜一本下有看花郎中樓上夜把火二字

沅湘耆舊集前編卷第二

八
又白

城上芳園花滿枝城頭太守夜看時
爲報林中高舉燭感人情思欲題詩

附呂衡州夜後把火看花畱客詩云紅芳暗落碧池頭把火遙看且少畱半夜忽然風更起明朝不復上南樓

張隱君復一首

復澧州人性癖書作條山集三十卷論世外事兼得鬼神趣隱居不仕見龍城錄元和中人

山出雲元和元年試題

山靜雲初吐霏微觸石新無心
離碧岫有意占青春散類如虹氣
輕同不讓塵凌空還似翼映澗欲成
鱗異起臨汾鼎凝隨出峽神爲霖終濟旱非獨降賢人

劉拾遺蛻 四首

蛻字復愚長沙人大中四年進士及第咸通中官

左拾遺以論令狐楚子澹恃權納貨貶華陰一作山陽

令有文泉子一卷復愚學有根砥毅然以復古自

任為文原本揚雄多奇奧與元結樊宗師伯仲其

論令狐澹一疏風骨稜稜宜其文之拔俗千尋也

復愚矜於為文而詩不見為登其文冢銘以見一

斑又全唐文有弔屈原辭亦見古文苑并錄朝四

庫全書總目提要文泉子集一卷前有自序曰自

褐衣以後辛卯以來辛丑以前改其微詞屬意古

今上下之閒者為內外篇復收其怨抑頌記嬰於

仁義者雜為諸篇焉物不可以終雜故離為十卷

離則名之不絕故授之以為文泉蓋覃以九流之

旨曰交配以不竭之義曰泉崖谷結珠璣昧則將

沅湘耆舊集前編卷第二

九上上上

救之兩雷九竅盛乾則將救之豈託之空言哉觀

其命名之義自負者良厚其文冢銘最為世所傳

他文皆原本揚雄亦多奇奧險於孫樵而易於樊

宗師大旨與元結相出入欲挽末俗反之古而所

謂古者乃多歸宗於老氏不盡協聖賢之軌又詞

多悲憤亦非仁義藹如之旨然唐之末造相率為

繁組併麗之文而蛻極毅然以復古自任亦謂

特立者矣高彥休唐闕史載蛻能辨齊桓公盜之

為其學蓋有根柢舊唐書令狐楚傳載咸通二年

左拾遺劉蛻極論令狐綯子澹恃權納貨之罪坐

貶華陰令則蛻在當時本風裁矯矯宜其文之拔

俗也集十卷今已不傳此本英華諸書探出非其

舊帙存備唐文之一家姑見英華諸書探出非其

書號曰天荒解劉蛻舍人以荆解及第號為破天

荒時崔魏公作鎮以破天荒錢七十萬資蛻蛻謝

書畧曰三十年來自是人廢一千里外豈曰沙荒

蛻復愚撰自為序云覃以九流之旨曰文配以不

竭之義曰泉有文冢銘甚奇大中四年進士其為

西掖狂威通時琮案撫言載劉纂者商州劉蛻之

子又孫光憲北夢瑣言載劉蛻桐廬人官至中書
舍人有從其父命死不祭祀一事四庫總目或
疑爲別一劉蛻是也考文冢在梓州卽今潼川由
復恩貶山陽令時寓居潼川垂老陸文灑之晚率
寺射洪屬潼川故又以爲射洪人蛻以荆解及第
文冢自稱長沙其爲長沙人萬無可疑者楚寶以
爲蛻舉進士其父戒之曰任汝舉進上取窮之與
達不望於汝吾歿後慎勿祭祀乃乘扁舟以漁釣
自娛竟不知其所適蛻臨終亦戒其子纂如先考
之命由是觀之蛻父子泛宅浮家隨地皆可繫籍
其素願然也
斯言得之矣

文冢銘 并序

文冢者長沙劉蛻復愚爲文不忍棄其草聚而封之也
蛻愚而不銳于百工之技天不工蛻也而獨文蛻焉故
飲食不忘於文晦冥不忘於文悲戚怨憤疾病嬉遊羣
居行役未嘗不以文之爲懷也適當無事而天下將以

沅湘耆舊集 前編卷第二

十一 八川

文爲號文明代生植明晦皆効文用故日月星辰文乎
旂常魚蟲鳥獸文乎彝器徐方之土文于侯社夏翟之
羽文於旗旒登龍於章升玉於藻百工婦人雕礪染練
以供宗廟祭祀之用豈獨蛻也生知効用不及時文哉
然而意嘗獲助於天而不獲助於人故其窮雖窮無憾
也當勤意之時不敢噓不敢咳不敢唾不敢跂倚嗜欲
躁競忘之於心其祇祇畏如臨上帝故有榮如星光
如貝氣如蛟宮之水又有黠如屯雲如久陰如枯腐熬
燥之色則有如春陽如華川透透迤迤則有如運海如
震怒動蕩怪異夫十爲文不得十如意少如意則豈非
天助乎常欲使天下聞之而必行勸之而必蹈散之茫

洋以爲道漢之浸潤以及物然後農文之使風雨以時
兵文之使戎寇以順文於野文於市使得其所幽隱之
士以出口者使之言材者使之用然而自振者無力終
知者甚稀豈非不獲於人助乎嗚乎十五年矣實得一
千一百八十紙有塗者乙者有注楷者有覆背者有硃
墨圍者於是以前易筮之遇復之同人筮者曰鳴於地
中殷殷隆隆七日不復復來其天下昭融乎他日更召
龜而令之將聽襲吉卜於火如秦兆惟曰不吉卜於水
不成乎河洛兆則亦惟曰不吉卜於木而闕闕土叶吉
累累爲冢則汲之兆乎峭峭爲壁則魯之兆乎且其占
曰土之文爲阿山爲華英將不崩不竭爲滋味而傳乎

沅湘耆舊集

前編卷第二

十一

×₁₁

結爲邱陵爲其設險乎融爲川瀆率其朝宗乎華爲百
穀以潔祭禮之柔盛乎不然使其速腐爲墟壤生芻藁
以食牛羊乎化塗泥爲甄陶以作器乎將塊爲五色而
分封茅社乎流爲樂爲土鼓爲古桴以泄其和聲乎夷
爲都邑以興宮廟坎爲洿池以澤生植乎祀爲壇壝乎
窾爲井墓乎吾皆不得而知也常旣不得爲吾用惟速
化爲百工之用慎毋朽爲芝菌以怪人自媚慎毋堅爲
金鐵以作貨起爭慎毋漏爲醴泉以味乎詔口慎毋擣
爲城社以狐鼠憑妖慎毋聳爲良材以雕斲傷性慎毋
萌爲蘭茝以佩服見褻嗚乎介而爲石使之服言舒而
爲蟪使之飲泉旣而他年遊魂之未返者亦命巫以巾

三招之號曰在几閣而來歸兮視不汝醜在口吻而來
歸兮譽不汝久噫筆絕之年而麟見崇文其無崇乎含
非珠玉斂無裙襦後世詩禮之儒無驚吾之幽墟其冢
也在莽蒼之野大塊之邱時大唐大中之丁卯而戊辰
之季秋銘云

文乎文乎有鬼神乎風水維貞將利其子孫乎

弔屈原辭三章 并序

吁三閭大夫之事司馬相如班孟堅各有言說不載故
也噫大夫之賢懷王之事說得之涕泗下衣濡豪瀝辭
噫大夫之爲臣千萬年其誰肖宋玉淮南王劉向東方
朔王哀繼有悼語說一小儒也思賢人之作悲智人之
沅湘者舊集前編卷第二

主 川文上

俟著弔屈原辭三章弔公之志也雨濛湘波浮檝搖歌
既而悲伸紙波辭祈公兮采之

哀湘竹

悵二妃之淚竹圓紅滴滴兮臨乎湮沚竦枝與修幹兮吟
哀風之不已搖勁節而錦綺兮垂高蔭而自美招翔鸞之
與翠鳳兮緝晴霞之數里繁柯重乎舜祠兮瘦影疊乎湘
水諒高節之自任 一作佳 兮匪庭篠之云比鄙眾蔭之延接
兮恥凡羽之棲止入清溪之浪聲兮無笙簧之相擬恨葉
翻波兮騷屑之風露滴煙蒙兮濯纓之子悵靈均之節兮
依然想貞姿兮千年若此

下清江

清江之上兮心夷猶清江之下兮煙波浮風軟雨絲兮湘
波高雲昏竹暗兮鬼神愁遠霞開兮鳥文苑作鳥帆隨碧江平

兮歸櫂移帶隱虹兮衣凝雲披一作被薜荔兮扈江蘼歲華

高兮水東注秋色下兮紅蘭渡飴甌合兮荆和喪岐鳳翔

兮龍媒去又曰心既潔兮道雲端水之浪兮人之一無之字波

瀾浪可平兮人心不可平波瀾一翻兮孰測其情水之深

兮不曰深悵前恨兮淚沾襟

招帝子

招湘靈兮澄瀾之渚雲蔽煙沈兮明月之浦唱宵歌兮撫

雲璫擊鳴榔兮薦清醕鸞去鳳飛兮雲不歸九疑疊翠兮

橫湘雨庭輕颺兮揚微波激楚怨兮下湘娥緝荷蓋兮集

沅湘耆舊集

前編卷第二

三五
八六文

雲壇潔桂席兮紉芳一作奠椒蘭霞為裳兮瓊為珮舉雲旗兮

持風旛若有來兮窸窣敲懸珂兮珊珊張孔蓋兮臨瑤臺

月凝袖兮雲裁冠目眇眇兮千里春悵一作恨無言兮蒼梧

濱戢蕙帶兮握芳芬撫一作拂瑤琴一作瑟兮淚斑筠乘桂華

兮下清湘拖無一作金波兮涉滄浪一作茫九疑之翠兮不可

尋懷沙之水兮恨之深

附錄復思為拾遺時論令狐瀉納李球賄疏臣伏

見新除左拾遺令狐瀉大中之時其父執政傳家

進拔者悉皆有謂凡四方節鎮價同交關三署官

司精專與奪潛行遊宴頗類倡優鼓扇輕浮以為

朋黨籌謀日夜聚議如雷變化詭譎為供奉縱遣

下則足有識寒心竊存羊夫陷父之義居家不為

孝子事君之後見利豈為忠臣伏惟陛下敦崇教

化懲艾堯瀉凡曰名器不當假濫事之可惜體疑

盡言臣於瀟家本無嫌釁於陛下則是職司謀其身則身輕舉其職則職重不然臣何故結冤權豪之族輕踐危亡之機白日所難赤誠可見况物如脂膩近則汚人官若薰積固難同器誓以愚見義不比肩干冒聖聰乞迴成命疏上當時謂之白衣宰相時緇方守淮南上奏自治上乃貶峴為山陽

縣令

潘進士緯 二首

緯湘南人登咸通進士第詩二首見全唐詩

湘南

本漢縣今衡山衡陽湘鄉湘潭皆東漢後析置皆得稱湘南也緯以古鏡詩著名見吟窗雜錄又撫言何涓湘南人業文詞嘗為瀟湘賦天下傳寫少遊國學同時有潘緯者以古鏡詩著名或曰潘緯十年吟古鏡何涓一夜賦瀟湘今緯詩猶存二首涓詩僅見全唐詩句

中秋月

古今逢此夕其冀次寥明豈是月華別祇應秋氣清影當

沉湘耆舊集前編卷第二

十四
又川三

中土正輪對入荒平尋客徒畱望璿璣自有程

琴

客來鳴素琴惆悵對遺音一曲起於古幾人聽到今盡含

風靄遠自泛月煙深夙續水仙操坐生方外心

句

篆經千古澀影瀉一堂寒

古鏡吟窗雜錄見

李濤

濤長沙人湖南通志稱其篇詠甚著膾炙人口温

庭筠任太學博士主秋試濤與衛丹張邵等詩賦

皆勝於都堂語出摭言全唐詩亦引之但於紀事

中采其水聲常在耳山色不離門等句而已無全

詩也全唐詩又一李濤字信臣避地湖南事馬殷
後唐天成中舉進士歷事晉漢至宰輔入周封莒
國公後歸宋有春社從李昉乞酒詩一首又諧謔
詩一首當別是一人又唐舊臣亦有李濤朱温篡
唐同朱葆光顏蕘數輩挈家寓潭州每正旦長至
必序立南嶽祠前北望號痛後葆光家衡州濤北
歸此又是一人蓋一時有三李濤全五代詩合而
爲一又以作蒙求之李瀚爲李潞稱爲濤弟而以
濤性滑稽徵引濤答弟婦歇後語實之不足辨也
全唐詩知是兩人矣而於避地之李濤春社乞詩
後又引水聲長在耳句則仍爲一人亦未分別也

沅湘耆舊集

前編卷第二

圭
八七

句

水聲長在耳山色不離門
掃地樹苗影拂牀琴有聲

落日長安道秋槐滿地花

並見紀事

王璘

璘長沙人詞學富瞻嘗應日試萬言科爲路巖所

抑杖策東歸放蕩湖湘閒以卒詩不見僅傳二語

唐撫言王璘長沙人詞學富瞻詹事崔鉉廉問湖
南表薦於朝試於使院璘請十書吏皆給筆札璘
珍緇捫腹往來口授十吏筆不停綴首題黃河賦
三千字數刻而成復有鳥散餘花落詩二十首時
未亭午忽風雨暴至數幅爲迴颺所卷泥滓沾漬
璘復另構十餘篇約已七千餘言鉉語試官曰萬
言不在試限但請召來飲酒黃河賦復有辭字百
餘請璘對衆朗宣旁若無人時路巖當軸遣一介
召之璘意在沾敷曰請候見帝巖大怒亟命奏廢
萬言科璘杖策而歸放曠杯酒閒一日與李璘王

遇藏龍羣玉曰公何許人璘曰呂試萬言王璘羣玉待之甚淺因相與聯句羣玉破題授之璘畧不付思至芍藥花開菩薩面櫻欄葉散夜叉頭羣玉始屈

句

芍藥花開菩薩面櫻欄葉散野人頭琮案俚俗相傳此兩句野人作夜叉今從

全唐詩作野人似稍馴雅

何涓

涓湘南人嘗作瀟湘賦為時傳寫與潘緯同時詩

不見全唐詩錄其句於十一函中

句

雁影數行秋半逢漁歌一聲夜深發詠瀟湘水

蔣鈞

沅湘耆舊集前編卷第二

夫川又文

鈞字不器營道人

句

因借夢書過竹寺學耕秋粟繞茅原寄柳芭蕉葉上無

愁雨自是多情聽斷腸或昱詩有一夜不眠孤客耳主人門外有芭蕉代為之答

蔣密

密零陵人

句

綺羅因片葉桃李謾同時詠桑琮案此二語見全唐詩

全五代詩引零陵總龜云柘樹多叢生春蠶食之其絲以冷水繅之謂之冷水絲可為琴瑟蔣密有詩云綺羅因此木桃李謾同時則非詠桑矣然此木不及片葉之工似以詠桑為是

沅湘耆舊集前編卷第二終

新化 鄧顯鶴 子立審編

男琮謹輯

李賀州郃

六首

郃字子元延唐人

今爲寧遠縣

爲河南參軍太和二年

應賢良方正能極言直諫科擢進士第一時昌平劉蕢對策譏切時政指斥宦官考官馮宿等嗟伏以爲過古晁董畏中官不敢取士人讀其辭至感慨流涕於時被選者二十有三人子元爲首乃歎曰劉蕢下第我輩登科吾顏其厚耶乃上疏讓蕢曰陛下御正殿求直言使人得自奮臣才志懦劣

沅湘耆舊集前編卷第三

一

一

不能質今古是非使陛下聞未聞之言行未行之事忽忽內思愧羞神明今蕢所對敢空臆盡言至皇王之成敗陛下所防閑時政之安危不私所料又引春秋爲據漢魏以來無與蕢比有司以言涉評忤不敢聞自詔書下萬口籍籍歎其誠鯁至于垂涕謂蕢指切左右畏近臣銜怒變與非常朝野惴息誠恐忠良道窮綱紀遂絕季漢之亂復興于今以陛下仁聖近臣故無害忠良之謀以宗廟威嚴近臣故無速敗亡之禍指事取驗何懼直言且陛下以直言召天下士蕢以直言副陛下所問雖許必容雖過當獎書於史策千古光明使萬有一

黃不幸死天下必曰陛下陰殺讜直結讎海內忠
義之士皆憚誅夷人心一搖無以自解况臣所對
不及黃遠甚內懷愧恥自謂賢良柰人言何乞回
臣所授以旌黃直臣逃苟且之慙朝有公正之路
陛下免天下之疑顧不美哉疏奏不納時論服其
公直近臣忌之以河南參軍出爲賀州刺史有詩
六首全唐詩未爲採入不得謂不疏矣琮案邵字元之義通鑿作邵侯閏切湖南通志引藝文志有李邵字仲元楚紀作李邵今從劉黃傳作李邵歐陽丈礪東詩鈔有劉諫議墓下詩云珉秀居然人似李邵不作邵讀也楚寶謂先生此疏當與劉去華對策並垂天壤誠然顧諫議之贈獨及昌平而延唐不與其賀州思九疑詩忠憤之氣溢於言表不審全唐詩何以見遺

沅湘耆舊集前編卷第三

二六一七

賀州思九疑作

我家九疑山在宅之陽林叢倚虛壁峭拔絕坤方卓植
斗杓南序列儼成行煙嵐渺相接午影常中堂去畱如有
期勝覽誇新糶少懷不羈思那能繫空桑對此疑山高目
眩幾成厄飄風微我蕩此興頎然長幸隨長者車身便神
亦揚詎仍手中扶扶搖上翱翔雲開躋巒頂萬丈誠孤亢
俯矚總羣植纖纖若豪芒上與汗漫期倒景徹岡浪璇璣
盤胸次燦爛皆文章清風時掀髯世慮渾相忘手叩兮
關闔闐鳴琅琅九垓若可極縱身托穹蒼四眺憑空忽興
盡思弓藏樊然下其肩稽首來帝旁有嚴淑多士登造皆
賢良探懷據忠蓋吾亦願曰對羣鏗避英銳鉛鏡費揮張

臚傳動天闈顏厚何可常騰章控多遜遺珠映奎光蔽賢
吾焉敢亦將勵名芳維皇怒斯赫投檄並炎荒恨望九峯
雲母遠在蓮塘夜分緝餘緒旦期裨袞裳美人弗可見此
心中茫茫朝哦甌嶺松夕把流霞觴何當解羈縻量移慰
悽愴嗤作盧敖遊願爲曼都狂長揖別臨賀策馬指延唐
時攜二三子葺彼山阿房覓覓迹其故餘復奚所望

遊九疑黃庭觀

靈峯標舜境神府枕疑川玉殿斜臨漢金堂迴架煙斷風
疏晚竹流水切寒絃別有月陂上空懷騎鶴仙

舜廟古杉

總負億年質高臨千仞峯貞心欺晚桂勁節掩寒松任彼
沅湘著舊集

前編卷第三

三川上女

風飈折挺然霜雪衝葦凌霄漢表根蟠龍窟中仙客頻棲
舞良工何渺逢枝頭連理翠擁護聖神宮

過九疑山有懷

晚度疑山道依然想重華雲飄上苑葉雪映御溝花行歎
皮靡遠坐令衣帶賒交河通絕徼弱水浸流沙旅思徒漂
梗歸期未及瓜兩階干羽絕夜夜泣胡笳

麓牀

麓牀高接天伏虎上棲煙松低輕偃蓋藤細若鈎懸

石鑑

石明如挂鏡照物別媼妍鶴鸞時弄影何處覓神仙

鄴唐末進士詩一卷見全唐詩而無籍貫仕履全

五代詩作武陵人唐明宗時官至工部郎中為尚

書盧文紀所抑因醉忿自經文紀坐貶今案鄴有

下第不勝其忿題路左佛廟詩殆傳聞異也鄴為

武陵人自來志乘均未之及蓋吾楚人之湮晦不

著於世者多矣全唐詩話後唐明宗時工部尚書

工部郎中文紀以鄴與其父嗣業名同音鄴赴參

文紀不見鄴因醉忿自經死文紀坐貶官珠案湖

南通志常德府志楚寶楚風補諸書俱無于鄴名

唐詩小傳稱為唐末進士無里貫今從全五代詩

補入又國朝杜詒中晚唐詩叩彈集按于武陵

詩多與于鄴詩相混或云武陵即鄴然唐藝文志

各有集非一人也

書懷

沅湘耆舊集前編卷第三

四

長安多路歧西去欲何依浮世祇如此舊山長憶歸自離
京國久應已故人稀好與孤雲住孤雲無是非

春過函谷關

幾度作遊客客行長苦辛愁看函谷路老盡布衣人歲遠
關猶固時移草亦春何當名利息遣此絕征輪

還家

為客憶歸舍歸來還寂寥壯時看欲過白首固非遙獨酌
幾回醉此愁終不銷猶殘雞與犬驅去住山椒

白櫻桃

王母階前種幾株水晶簾內看如無只應漢武金盤上瀉

得珊瑚白露珠

白櫻樹

記得花開雪滿枝和蜂和蝶帶花移只今花落遊蜂去空
作主人惆悵詩

下第不勝其忿題路左佛廟

雀兒未逐颺風高下視鷹鷂意氣豪自謂能生千里足黃
昏依舊委蓬蒿

秋夜達蕭關

擾擾浮梁路人忙月自閑去年爲塞客今夜宿蕭關亂國
幾經歲望鄉空見山不知紅葉下又作布衣還

與僧話舊

草堂前有山一見一相寬處世貴僧靜青松因歲寒他山
沅湘耆舊集前編卷第三

逢舊侶盡日話長安所以閑行迹千迴繞藥欄

五

匣中琴

世人無正心蟲網匣中琴何以經時廢非爲娛耳音獨令
高韻在誰感隙塵深應是南風曲聲聲不合今

王將軍宅夜聽歌

朱檻滿明月美人歌落梅忽驚塵起處疑有鳳飛來一曲
聽初澈幾年愁暫開東南正雲雨不得見陽臺

秋夕聞雁

星漢欲沈盡誰家砧未休忽聞涼雁至如報杜陵秋千樹
又黃葉幾人新白頭洞庭今夜客一半卻登舟

路傍草

春至始青青香車碾已平不知山下處來向路傍生每歲
有人在何時無馬行應隨塵與土吹滿洛陽城

洛中有懷

潺潺伊洛河寂寞少恩波鑿駕久不幸洛陽春草多

書情

負郭有田在年年長廢耕欲磨秋鏡淨恐見白頭生未作
一旬別已過千里程不知書與劍十載兩無成

塗中作

西南千里程處處有車聲若使地無利始應人不營天涯
猶馬到石跡尙塵生如此未曾息蜀山終冀平

懷中卽事

沉澗耆舊集前編卷第三

六川六

風吹殘雨歇雲去有煙霞南浦足遊女綠蘋應發花遠鐘
當半夜明月入千家不作故鄉夢始知京洛賒

歲暮還家

東西流不駐白日與車輪殘雪半成水微風應欲春幾經
他國歲已減故鄉人回首長安道十年空苦辛

題華山麻處士所居

貴賤各擾擾皆逢朝市閒到此馬無迹始知君獨閑冰破
聽數水雪晴看華山西風寂寥地唯我坐忘還

天南懷故人

獨行千里塵軋軋轉征輪一別已多日總看成老人洞庭
雪不下故國草應春三月煙波暖南風生綠蘋

送魏山韋處士

陰陰亭際閉相顧慘離顏一片雲飛去嗟峨空魏山

感懷

東風吹草色空使客蹉跎不設太平險更應遊子多幾傷
行處淚一曲醉中歌盡向青門外東隨渭水波

遊中梁山

僻地好泉石何人曾陸沈不知青嶂外更有白雲深因此
見喬木幾回思舊林殷勤猿與鳥唯我獨何心

尋山

到此絕車輪萋萋草樹春青山如有利白石亦成塵水澗
應無路松深不見人如知巢與許千載迹猶新

沅湘耆舊集前編卷第三

宿江口

七
川
文

南渡人來絕喧喧雁滿沙自生江上月長有客思家半夜
下霜岸北風吹荻花自驚歸夢斷不得到天涯

斜谷道

亂峯連疊嶂千里綠峩峩蜀國路如此遊人車亦過遠煙
當驛斂驟雨逐風多獨憶紫芝叟臨風歌舊歌

過百牢關貽舟中者

蜀國少平地方思京洛閒遠爲千里客來度百牢關帆影
清江水鈴聲碧草山不因名與利爾我各應閑

客中覽鏡

何當開此鏡卽見髮如絲白日急於水少年能幾時每逢

芳草處長返故園遲所以多爲客蹉跎欲怨誰

長安逢隱者

征車千里至碾遍六街塵向此有營地忽逢無事人昔時
顏未改浮世路多新且脫衣沽酒終南山欲春

贈王道士

日日市朝路何時無苦辛不隨丹竈客終作白頭人浮世
度千載桃源方一春歸來華表上應笑北邙塵

友人亭松

俛仰不能去如逢舊友同曾因春雪散見在華山中何處
有明月訪君聽遠風相將歸未得各占石巖東

過洛陽城

沅湘耆舊集前編卷第三

八
川
又
上

古來利與名俱在洛陽城九陌鼓初起萬車輪已行周秦
時幾變伊洛水猶清二月中橋路鳥嗁春草生

客中月

離家凡幾宵一望一寥寥新魄又將滿故鄉應漸遙獨臨
彭蠡水遠憶洛陽橋更有乘舟客悽然亦駐橈

友人南遊不回因而有寄

相思春樹綠千里亦依依鄠杜月頻滿瀟湘人未歸桂花
風半落煙草蝶雙飛一別無消息水南車跡稀

長信宮

簾涼秋氣初長信恨何如拂黛月生指解鬟雲滿梳一從
悲畫扇幾度泣前魚坐聽南宮樂涼風搖翠裾

一失輦前恩綺羅生暗塵惟應深夜月獨伴向隅人長信
翠蛾老昭陽紅粉新君心似秋節不使草長春

東門路

東門車馬路此路在浮沈白日若不落紅塵應更深從來
名利地皆起是非心所以青青草年年生漢陰

南遊

窮秋幾日雨處處生蒼苔舊國寄書後涼天方雁來露繁
山草溼洲暖水花開去盡同行客一帆猶未回

夜泊湘江

北風吹楚樹此地獨先秋何事屈原恨不隨湘水流涼天
生片月竟夕伴孤舟一作南行客無成空白頭

沅湘耆舊集

前編卷第三

九川××

夜尋僧不遇

數歇度煙水漸非塵俗閒泉聲入秋寺月色遍寒山石路
幾回雪竹房猶閉關不知雙樹客何處與雲閒

贈王隱者山居

石室埽無塵人寰與此分飛來南浦樹半是華山雲浮世
幾多事先生應不聞寒山滿西日空照雁成羣

寄北客

窮邊足風慘何處醉樓臺家去幾千里月圓十二回寒阡
隨日遠雪路向城開遊子久無信年年空雁來

夜與故人別

白日去難駐故人非舊容今宵一別後何處更相逢過楚

水千里到秦山幾重語來天又晚月落滿城鐘

過侯王故第

過此一醜辛行人淚有痕獨殘新碧樹猶擁舊朱門歌歇
雲初散簷空燕尙存不知彈鋏客何處感新恩

孤雲

南北各萬里有雲心更閑因風離海上伴月到人間洛浦
少高樹長安無舊山裴回不可駐漠漠又空還

遠水

悔作望南浦望中生遠愁因知人易老爲有水東流欲附
故鄉信不逢歸客舟萋萋兩岸草又度一年秋

感情

沅湘耆舊集前編卷第三

十川〇

青山長寂寞南望獨高歌四海故人盡九原新壠多西沈
浮世日東注逝川波不使年華駐此生能幾何

長信宮

莫問古宮名古宮空有城惟應東去水不改舊時聲

高樓

遠天明月出照此誰家樓上有羅衣裳涼風吹不休

張迥一首

迴唐末湖南人少年苦吟夢五色雲自天而下取

吞之遂精雅道詩一首

寄遠

錦字憑誰達閑庭草又枯夜長鐙影滅天遠雁聲孤蟬鬢

凋將盡虬髯黑在無幾回愁不語因看朔方圖案迥原詩第六句本

作虬髯白也無嘗攜此鬚齊已點頭吟諷爲改虬髯黑在無迴遂拜作一字師又吟窗雜錄天遠雁聲孤雁作鶴

陳光 三首

光唐末湖南人

題桃源僧

桃源有僧舍跬步異人天花亂似無主鶴鳴疑有仙軒廊
明野色松檜溼春煙定擬辭塵境依師過晚年

題陶淵明醉石

片石露寒色先生遺素風醉眠芳草合吟起白雲空道出
乾坤外聲齊日月中我知彭澤後千載與誰同

長安新柳

沅湘耆舊集前編卷第三

十一

九陌雲初霽皇衢柳已新不同天苑景先得日邊春色淺
微含露絲輕未惹塵一枝方欲折歸去及茲晨

劉贊 一首

贊桂陽人唐宰相瞻子瞻初婚李氏生贊幼孤性
鈍讀書終不記憶其舅李侍郎殷衡以劉氏不可
無後常加楚箠李夫人念其宿分不忍苦之一旦
不告他適數年方歸曰入高山遇白衣叟謂曰與
汝開心自是日誦一卷兼有文藻唐末擢進士第

充崇政院學士預時俊之流有詩一首琮案贊名不見唐書

宰相世系表湖南通志從北夢瑣言採入且云瞻猶子翳自言家世合有一人得道即白衣叟其髯鬚子蓋以柳爲二佛九仙之地故附會如此云全唐詩云唐末劉贊有三一魏州人舉進士爲羅紹

威判官仕唐明宗中書舍人一仕閩王曦爲詞史
中丞其一卽瞻子也皆與羅隱同時未知孰是今
從全五代詩湖南通志定爲瞻子又瞻父景亦有
詩名景字司光鄭細爲御史巡荆部至商山驛有
瞻眺巖嵐奇秀方欲吟詩顧見壁間新題一絕乃
景作也大奇之戒子弟與共學元和間景權進士
第劉禹錫贈詩云湘中才子是劉郎望在長沙
住桂陽昨日鴻都新上第五陵年少讓清光

贈羅隱

人皆言子屈獨我謂君非明主旣難謁青山何不歸年虛
侵雪鬢塵枉汚麻衣自古逃名者至今名豈微

句

絮花飛起雪漫漫長得宮娥帶笑看

柳枝詞 見
吟香雜錄

沅湘耆舊集前編卷第三

十一 川文

沅湘耆舊集前編卷第四

新化 鄧顯鶴 子立審編

男琮謹輯

李校書羣玉 古體詩四十三首

羣玉字文山澧州人性曠逸赴舉一上而止惟以吟詠自適衰休觀察湖南延致之及為相以詩論

薦授宏文館校書郎未幾乞假歸卒集三卷後集

五卷 八年諸闕進詩授宏文館校書郎其集首載

羣玉進詩表及令狐綯薦狀鄭處約所行制詞表稱歌行古體今體七言今體五言四通合三百首考劉禹錫作柳宗元集序稱三十二通則唐時以一通為一卷今本三卷已與表不合又表稱三百首而今本正集僅一百三十五首外集亦僅二百一十三首合之不足三百之數觀中卷之末有出

沅湘耆舊集前編卷第四

一

春明門一首自註曰時請告歸則此集雖仍以歌行古體今體七言今體五言分目而己兼得官以後之詩甚復表進之原本矣太平廣記載羣玉豐湘君事甚異其詩今載後集第三卷然前一首為弔古之詞無燦燦之意後一首寫當時棹女與二如尤不相關死羣玉雖放誕風流亦豈敢誦作言語讀漫神明汚穢古聖殆神譌為感甄李善至引家因造此事附會之耳洛神譌為感甄李善至引以註文選俗語丹青往往如是未可據為實也唐音統籤傳畧同南部新書羣玉好吹笙常使家僮奏之又善急就章性喜養白鷺廬肇贈詩云妙吹應諧鳳工書定得鸞是也嘗題詩黃陵廟神告以二年之兆果如期發洪井事詳段成陵詩集北夢瑣言或云羣玉嘗假書懸于謁禮牧以其輕脫所齎不厚今核其行則清介高節之人非輕率之士也方干弔羣玉故居詩許直上書難遇主銜究下世未成翁段成式詩老無兒女羣玉遇皇泉臺亦詩人窮者幽沈江介草澤臣羣玉遇皇帝緒凋淪邱壑賤品幽沈江介草澤臣羣玉遇皇薰風長養之閒願同率舞之誠遠逐越裳之貢頌以鼓腹勳華之代怡情林阜之隈涵泳皇風始忘

沅湘耆舊集前編卷第四

二

仕進以致年踰不惑病恙暴侵但慮寒餓江湖之
 濱與枯魚涸鱗為伍瞑目黃壤虛謝文明是以徒
 步負琴遠至輦下謹捧所業歌行古體七言今體
 五言今體等合三百首謹詣光順門味死上照伏
 以卿雲在天草木五色廣野之氣燭為祥煙照照
 含生盡躋壽域白日亭午物無斜陰方今鳳后提
 衡庶尹咸秩言語侍從之列皆嚴徐班馬之倫凡
 在墨客詩人歌詠聲明文物不暇何敢議譏刺與
 於筆端臣所貢前件歌詩以居住沅湘宗師屈宋
 楓江蘭浦蕩思搖情蕪纈之餘過於沅野然則
 到徒窺星漢之高滄海傾歸劍無光永作幽泉之
 爨桐不爆俄成曲突之煙埋劍無光永作幽泉之
 鐵巴濮下調塵觸天聽螻蟻之微伏待刑戮謹拜
 表陳獻以聞無任焚灼預越屏營之至臣羣玉誠
 惶誠恐頓首死罪謹言延英少錦勅旨卿賜進
 宜領取夏熱卿比年安好中書侍郎令狐綯等
 薦狀羣王苦心歌篇屏迹林壑佳句流傳於眾口
 芳聲籍甚於一時守道安貧遠絕名利富文等今
 盛代宜備搜羅俾典校於瀛洲竹光志業臣等今
 日延英已面陳奏狀伏奉聖旨令典可支謹具奏
 臣等商量望授宏文館校書郎未審可否謹具奏

聞伏聽勅旨制詞李羣玉放懷邱壑吟詠性情
 孤雲無心浮磬翰白逸竊豹遠跡文彩益言詩用
 騷冥鴻不歸羽翰而獨樂念其求志可為詩用
 試而逾精能久幽而獨樂念其求志可為詩用
 是繫維俾之刊校可守宏文館校書郎中書侍郎
 兼戶部尚書平章事臣令狐綯宣奉司勳郎中知
 制誥臣鄭處約行童明父集唐志裴休為相薦
 授羣玉為校書郎按大中八年令狐綯宣奉司勳
 郎兼戶部尚書同中書門下平章事崔鉉守尚書
 右僕射兼門下侍郎同中書門下平章事裴休禮
 部尚書諸道鹽鐵轉運使同中書門下平章事蓋
 三人並相時而薦達則本於休也明父施州衛人
 是集出其家藏胡震亨記余舊鈔宋本文山集
 缺其七首嘉靖中禮人劉崇文刻者為全外王父
 所藏因得補完余書嘗校元將功為多不獨此編
 也癸未仲冬月

烏夜啼

層波隔夢渚一望青楓林有烏在其閒達曉自悲吟是時

月黑天四野煙雨深如聞生離哭其聲痛人心悄悄夜正
長空山響哀音遠客不可聽坐愁華髮侵既非蜀帝魂恐
是桓山禽四子各分散母聲猶至今

昇仙操

羸女去秦宮瓊笙飛碧空鳳臺閉煙霧鸞吹飄天風復聞
周太子亦遇浮邱公叢簧發仙弄輕舉紫霞中濁世不久
駐清都路何窮一去霄漢上世人那得逢

雨夜呈長官

遠客坐長夜雨聲孤寺秋請量東海水看取淺深愁窮
重於山終年壓人頭朱顏與芳景暗赴東波流鱗翼思風
水青雲方阻修孤鐙冷素豔蟲響寒房幽借問陶淵明何
沉湘耆舊集前編卷第四

三
川上
文

物號忘憂無因一酌酌高枕萬情休

小弟煌南遊近書來

湘南客帆稀遊子寡消息經時停尺素望盡雲邊翼笑言
頻夢寐獨立想容色落景無來人修江入天白停倚門
念瑟瑟風雨夕何處泊扁舟迢遰湍波側秋歸舊窗竹永
夜一淒寂吟爾鵲鶴篇中宵慰相憶

秋怨

瑟瑟涼海氣西來送愁容金風死綠蕙玉露生寒松所思
在溟碧無因一相逢登樓睇去翼目盡滄波重虛窗度流
螢斜月呢幽蛩疏紅落殘豔冷水凋芙蓉歲暮空太息年
華逐遺蹤凝情耿不寐攬涕起疏慵

感春

春情不可狀豔豔令人醉暮水綠楊愁深窗落花思吳宮
新暖日海燕雙飛至秋思逐煙光空濛滿天地

將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈魄冷光
邀遠目百里見海色送雲歸蓬壺望鶴滅秋碧波瀾收日
氣天自回澄寂百越落掌中十洲點空白身居飛鳥上口
詠兮今籍飄如出塵籠想望吹簫客冥人閒世歌笑不
足惜竭來羅浮巔披雲煉瓊液謝公雲岑興可以躡高跡
吾將抱瑤琴絕境縱所適

盧溪道中

沈湘耆舊集

前編卷第四

四
川
三
八

曉發潺湲亭夜宿潺湲水風篁埽石瀨琴聲九十里光奔
覺來眼寒落夢中耳曾向三峽行巴江亦如此

湖中古愁三首

涼風西海來直渡洞庭水飭飭木葉下白浪連天起蘅蘭
委皓雪百草一時死摧殘負志人感歎何窮已

昔我覩雲夢窮秋經汨羅靈均竟不返怨氣成微波莫桂
開古祠朦朧入幽蘿落日瀟湘上淒涼吟九歌

南雲哭重華水死悲二女天邊九點黛白骨迷處所朦朧
波上瑟清夜降北渚萬古一雙魂飄飄在煙雨

古鏡

明月何處來朦朧在人境得非軒轅作妙絕世莫並瑤匣

開旭日白電走孤影泓澄一尺天徹底寒霜景冰輝凜毛
髮使我肝膽冷忽驚行深幽面落九秋井雲天入掌握爽
朗神魂淨不必負局仙金沙發光炯陰沈蓄靈怪可與天
地永恐爲悲龍吟飛去在俄頃

我思何所在

我思何所在乃在陽臺側良宵相望時空此明月色歸魂
泊湘雲飄蕩去不得覺來理舟楫波浪春湖白煙光浩楚
秋瑤草不忍摘因書天末心繫此雙飛翼

感興四首

子雲吞白鳳遂吐太元書幽微十萬字枝葉何扶疏婉孌
猛虎口甘言累其初一觀美新作斯瑕安可除

沈湘耆舊集前編卷第四

五

×
1
夕

昔竊不死藥奔空有嫦娥盈盈天上豔孤潔樓金波織女
了無語長宵隔銀河軋軋揮素手幾時停玉梭

洞房三五夕金釭凝焰滅美人抱雲和斜倚紗窗月沈吟
想幽夢闈思深不說弦冷玉指寒含顰待明發

朔雁銜邊秋寒聲落燕代先驚愁人耳顏髮潛消改凝雲
蔽洛浦夢寐勞光彩天邊無書來相思淚成海

將之吳越畱別坐中文酒諸侶

秋色滿水國江湖興蕭然氛埃斂入極萬里淨澄鮮潞浦
縱孤櫂吳門渺三千迴隨衡陽雁南入洞庭天早聞陸士
龍矯掌跨山川非思鱸魚膾且弄五湖船嘖泊遠浦霞曉
飯蘆洲煙風流訪王謝佳境恣洞泓霜翳別岸柳香枯北

池蓮歲華坐搖落寂寂感流年明朝卽漂萍離恨無由宣
相思空江上何處金波圓

登宜春醉宿景星寺寄鄭判官兼簡空上人

曉發碧水陽暝宿金山寺松風灑寒雨浙瀝醒餘醉夜中
香積飯蔬粒具精異境寂滅塵愁神高得詩思皎皎榮陽
子芳春富才義漲海豁心源冰壺見門地碧霄有鳩序未
展聯行翅俱笑一尺繩三年絆騏驥摧藏擔簦客鬱抑胸
襟事名業爾未從臨風嘿舒志一身渺雲嶺中夜空涕泗
側枕對孤鐙衾寒不成寐糧薪極桂玉大道生榛刺恥息
惡木陰難書劍歌意揚鞭入蒼蒼山驛凌煙翠越鳥日南
飛芳音願相次

沅湘耆舊集

前編卷第四

六
川文

江樓獨酌懷從叔

水國發爽氣川光靜高秋酣歌金尊醪送此清風愁楚色
忽滿目灘聲落西樓雲翻天邊葉月弄波中鉤芳意長搖
落蘅蘭謝汀洲長吟碧雲合悵望江之幽

登章華樓

楚子故宮地蒼然雲水秋我來覽從事落景空生愁伯業
沒荆棘雄圖成古邱沈吟問鼎語但見東波流征鴻引鄉
心一去何悠悠晴湖碧雲晚暝色空高樓迢遰趨遠嶠微
茫入孤舟空路不堪望西風白浪稠

湘西寺霽夜

雨過琉璃宮佳興浩清絕松風冷晴灘竹路踏碎月月波

蕩如水氣爽星朗滅皓夜千樹寒崢嶸萬巖雪後山鶴唳
斷前池荷香發境寂涼夜深神思空飛越

洞庭入澧江寄巴邱故人

四月桑半枝吳蠶初弄絲江行好風日燕舞輕波時去事
旋成夢來歡難預期唯憑東流水日夜寄相思

自澧浦東遊江表途出巴邱投員外從公虞

短翮後飛者前攀鸞鶴翔力微應萬里矯首空蒼蒼誰昔
探花源考槃西岳陽高風動商洛綺皓無馨香一朝下蒲
輪清輝照巖廊孤醒立眾醉古道何由昌經術震浮盪國
風埽齊梁文襟卽元圃筆下成琳琅霞水散吟嘯松筠奉
琴觴冰壺避皎潔武庫羞鋒鏑小子書代耕束髮頗自強

沅湘耆舊集

前編卷第四

七

艱哉水投石壯志空摧藏十年侶龜魚垂頭在沅湘巴歌
掄白雪鮑肆埋蘭芳騷雅道未喪何憂名不彰飢寒束困
厄默塞飛星霜百志不成一東波擲年光塵生脫粟甑萬
里違高堂中夜恨火來焚燒九回腸平明梁山淚緣枕霑
匡牀依泊洞庭波木葉忽已黃哀磻擣秋色曉月唳寒蟬
復此櫂孤舟雲濤浩茫茫朱門待媒勢短褐誰掄揚仰羨
野陂鳧無心憂稻梁不如天邊雁南北皆成行男兒白日
閒變化未可量所希困辱地翦拂成騰驥昨筆話肝肺詠
茲枯魚章何由首西路目斷白雲鄉

送鄭子寬棄官東遊便歸女几

八月湖浸天揚帆入秋色岷峨雪氣來寒漲瀟湘碧子眞

冥鴻志不逐籠下翼九女疊雲屏於焉恣栖息新詩山水
思靜入陶謝室因醉松花春追攀紫煙客相逢十年舊嘖
笑等歡滅一飯玉露疏中腸展堆積停食不盡意傾景悵
可惜雲水一分飛離憂洞庭側迴車三鄉路仙菊正堪摘
寄謝杜蘭香何年別張頌

長沙九日登東樓觀舞

南國有佳人輕盈綠腰舞華筵九秋暮飛袂拂雲雨翩如
蘭茗翠婉若游龍舉越豔罷前溪吳姬停白紵
慢態不能窮繁姿曲向終低回蓮破浪凌亂雪繁風墜珥
時流盼修裾欲遡空唯愁捉不住飛去逐鶯鴻

龍山人惠石廩方及團茶

沅湘耆舊集前編卷第四

八〇〇

客有衡岳隱遺余石廩茶自云凌煙露采掇春山芽珪璧
相壓疊積芳莫能加碾成黃金粉輕嫩如松花紅鑪爨霜
枝越兒斟井華灘聲起魚眼滿鼎漂清霞凝澄坐曉鐙病
眼如蒙紗一甌拂昏寐襟鬲開煩拏顧渚與方山誰人曹
品差持甌默吟味搖膝空咨嗟

宿烏遠峽北臺遇風雨

孤鶴長松顛獨宿萬巖雨龍湫在石脚引袂時一取驚風
折喬木飛焰獺窗戶半夜霹靂聲高齋有人語

岳陽春晚

不覺春物老塊然湖上樓雲沙鷗鳴思風日沅湘愁去翼
滅雲夢來帆指昭邱所嗟芳桂晚寂寂真對汀洲

漢陽春晚

漢陽抱青山飛樓映湘渚白雲蔽黃鶴綠樹藏鸚鵡憑高
送春日流恨傷千古遐思禰衡才令人怨黃祖

將離澧浦置酒野嶼奉懷沈正字昆弟三人聯登高
第

春月三改兔花枝成綠陰年光東流水浩歎傷羈心酌桂
煙嶼晚鳴鳩江草深良圖一趨忽萬恨空相尋上國刈翹
楚才微甘陸沈無鐙假貧女有淚沾牛衾衡岳三麒麟各
振黃鐘音卿雲被文彩芳價搖詞林夫子芸閣英養鱗湘
水潯晴沙踏蘭菊隱几當青岑明日洞庭上悠揚挂離襟
停觴一搖筆聊寄生芻吟

沅湘舊集前編卷第四

九
川
文
上

湘中別成威閣黎

至哉彼上人冰霜凜規則遊心杳何境冥坐入冥默解空
與密行名臘信崇德吐論駕秋濤龍宮發胸臆羣迷行大
夜浩浩一昏黑赤水千丈深元珠幾人得持栢挹溟漲至
理安可測甯假喻芭蕉真成嗅蒼荀松聲埽白月霽夜來
靜域清梵罷法筵天香滿衣袂何方濟了岸祇仗慈航力
願與十八賢同棲翠蓮國

別尹鍊師

吾家五千言至道懸日月若非函谷令誰注流沙說多君
飛昇志機悟獨超拔學道玉笥山燒丹白雲穴南窮衡疑
秀采藥歷幽絕夜臥瀑布風朝行碧巖雪洞宮四百日玉

籍恣探閱徒以菌噓姿緬攀修眞訣塵籠罩浮世遐思空
飛越一罷棋酒歡離情滿寥泝願騎紫蓋鶴早向黃金闕
城市不可畱塵埃穢仙骨

將之京國贈薛員外

黃葉下空館寂寥寒雨愁平居歲華晏絡緯嗁林幽節物
凋壯志咄嗟不能休空懷趙鞅歎變化良無由所思杳何
如側身仰皇州蒼煙晦楚野寒浪埋昭邱趙壹賦命薄陳
思多世憂翻然羨魚鳥暢矣山川遊薛公龍泉姿其氣在
斗牛南冠束秀髮白石勞悲謳圭衮照崇闕文儒嗣箕裘
曠然方寸地霽海浮雲舟禮浦一遺佩郢南再悲秋叫閨
路旣阻浩蕩懷靈修莫奏武溪笛且登仲宣樓亨通與否
沅湘耆舊集前編卷第四

十
又川上

閉物理相沈浮天子坐宣室夔龍奉謨猷行當賜環去豈
作遺賢羞

送魏珪覲省

木落楚色深風高浪花白送君飛一葉鳥逝入空碧倚歎
白華秀傷心倚門夕不知雲漲遙萬里看咫尺蕭蕭青楓
岸去揜江山宅離觴有黃花節物助淒戚瀟湘入灑桂一
路繁水石煙蘿拂行舟玉瀨鏘枕席多君林泉趣耽翫日
成癖長嘯凌清暉襟情當雪滌登龍屈指內飛響甚籍籍
未折月中枝甯隨宋都鴟曰余吞聲地舉足傷瓦礫見爾
一開顏溫明乃珠璧春風到雲嶠把酒時相憶荳蔻花入
舩鷓鴣嗁送客颺天與葦海此去備沿歷珍重春官英加

始忝四座奏狀聞薦蒙恩授官旋進歌詩延英宣賜
言懷紀事呈同館諸公二十四韻

兩鬢有二毛光陰流浪中形骸日土木志氣隨雲風冥默
楚江畔蕭條林巷空幽鳥事翔翥斂翼依蒿蓬一飯五放
箸歔然念途窮孟門在步武所向何由通祇微大易言物
否不可終庶期白雪調一奏驚凡聾昨忝丞相召揚鞭指
冥鴻姓名挂丹詔文句飛天聰解薛龍鳳暑懷鉛蘭桂叢
聲名仰聞見煙漢陪高蹤我我羣玉山肅肅紫殿東神臆
泛鐘漏佳氣浮筠松自顧珉珠璞何緣侶圭琮羣賢垂重
價省已增磨礪天子棲穆清三台付夔龍九霄降雨露萬
沅湘耆舊集前編卷第四

十一
x川

國望時雍巍巍致君期勛華將比崇承天四柱石巖若窺
衡嵩日見帝道昇謀猷垂景鍾寰瀛納壽域翔泳暨神融
百神儼云亭佇將告成功吾徒事文藻驥首歌登封

廣州重別方處士之封川

原注久約同遊羅浮期素秋而行

楚國傲名客九州徧芳聲白衣謝簪紱雲臥重巖扃長波
飛素舸五月下南溟大笑相逢日天邊作酒星

七年一雲雨常恨輝容隔天末又分襟離憂鬢堪白願回
陵湖楫且著登山屐共期羅浮秋與子醉海色

洞庭遇秋

塵愁老來顏久與江山隔逍遙澄湖上洗眼見秋色涼波
弄輕櫂湘月生遠碧未減遙客情西望杳何極

寄短書歌

骨肉萍蓬各天末十度附書九不達孤臺冷眼無來人楚
水秦天莽空濶翔雁橫秋過洞庭西風落日浪崢嶸三年
音信凝顰外一曲哀歌白髮生

醒起獨酌懷友

西風靜夜吹蓮塘芙蓉破紅金粉香摘花把酒弄秋芳吳
雲楚水愁茫茫美人此夕不入夢獨宿高樓明月涼

競渡時在湖外偶爲成章

雷奔電逝三千兒彩舟畫檝射初暉喧江雷鼓鱗甲動三
十六龍銜浪飛靈均昔日投江死千古沈魂在湘水綠草
斜煙日暮時笛聲幽遠愁江鬼

沅湘耆舊集前編卷第四

十一

文三

沅湘耆舊集前編卷第五

新化 鄧顯鶴 子立審編

男琮謹輯

李校書羣玉 今體詩一百一十一首

新荷

田田八九葉散點綠池初嫩碧纔平水圓陰已蔽魚浮萍
遮不合弱荇繞猶疏半在春波底芳心卷未舒

初月二首

澹澹流光淺娟娟汎露輕雲閒龍爪落簾上玉鈎明桂樹
枝猶小仙人影未成欲爲千里別倚幌獨含情

凝顰立戶前細魄向娟娟破鏡徒相問刀頭恐隔年輕輕
沅湘耆舊集前編卷第五

搖遠水脈脈下春煙別後春江上隨人何處圓

石潯

古岸陶爲器高林盡一焚燄紅湘浦日煙濁洞庭雲迴野
煤飛亂遙空爆響聞地形穿鑿勢恐到祝融墳

雲安

灘惡黃牛吼城孤白帝秋水寒巴字急歌迴竹枝愁樹暗
荆王館雲昏蜀客舟瑤姬不可見行雨在高邱

湖閣

楚色籠青草秋光洗洞庭夕霏生水寺初月落雲汀擢響
來空濶漁歌去杳冥欲浮闌下艇一到斗牛星

失鶴

瑤臺煙霧外一去不迴心暗海蓬壺遠秋風碧落深墮翎
雷片雪雅操入孤雲不是籠中物雲蘿莫更尋

臘夜雪霽月彩交光開閣臨軒竟睡不得命家僕吹
笙數曲獨引一壺奉寄江陵副使杜中丞

月華臨霽雪皓彩射貂裘桂酒寒無醉銀笙凍不流懷哉
梁苑客思作剡溪遊竟夕吟瓊樹川途恨阻修

長沙陪裴大夫登北樓

巖嶂隨高步琴尊奉勝遊金風吹綠簟湘水入朱樓朗抱
雲開月高情鶴見秋登臨多暇日非爲賦消憂

登蒲澗寺後二巖三首

五仙驕五羊何代降茲鄉澗有堯年韭山餘禹日糧樓臺

沅湘耆舊集前編卷第五

二
川
志
文

籠海色草樹發天香浩嘯波光裏浮溟興甚長

行盡崎嶇路驚從汗漫遊青天豁眼快碧海醒心秋便欲
尋河漢因之犯斗牛九霄身自致何必遇浮邱

南溟吞越絕極望碧鴻濛龍渡潮聲裏雷喧雨氣中趙佗
邱壠滅馬援鼓鞞空遐想魚鵬化開襟九萬風

早鴻

木落波浪動南飛聞夜鴻參差天漢霧嘹唳月明風野水
蓮莖折寒泥稻穗空無令一行侶相失五湖中

旅泊

搖落江天裏飄零倚客舟短篇纔遣悶小釀不供愁沙雨
潮痕細林風月影稠書空閑度日深擁破貂裘

半醉

處俗常如病看花亦似秋若無時復酒甯遣鎮長愁漸覺
身非我都迷曉與周何煩五色藥尊下卽丹邱

晚蓮

露冷芳意盡稀疏空碧荷殘香隨暮雨枯蘂墮寒波楚客
罷奇服吳姬停櫂歌涉江無可寄幽恨竟如何

廣江驛餞筵畱別

別筵欲盡秋一醉海西樓夜雨寒潮水孤鐙萬里舟酒飛
鸚鵡重歌送鷓鴣愁惆悵三年客難期此處遊

桑落洲

九江寒露夕微浪北風生浦嶼漁人火蒹葭裊雁聲頽雲
沉湘耆舊集前編卷第五

三川文

晦廬岳微鼓辨湓城遠憶天邊弟曾從此路行

杜門

且詠閑居賦飛翔去未能春風花嶼酒秋雨竹溪鐙世路
夔陵谷時情驗友朋達生書一卷名利付春冰

經費拾遺所居呈封員外

雲臥竟不起少微空隕光唯應孔北海爲立鄭公鄉舊館
苔蘚合幽齋松菊荒空餘書帶草日日上階長

九日陪崔大夫讌清河亭

玉醴浮金菊雲亭傲玳筵晴山低畫浦斜雁遠書天謝眺
離都日殷公出守年不知瑤水讌誰和白雲篇

原注近見去年聖製

黃菊
聯句

桂州經佳人故居琪樹

種樹人何在攀枝空歎嗟人無重見日樹有每年花滿院
雀聲莫半庭春景斜東風不知恨徧地落餘霞

中秋廣江驛示韋益

莫惜三更坐難消萬里情同看一片月俱在廣州城淚逐
金波滿魂隨夜鵲驚支頤鄉思斷無語到雞鳴

長沙開元寺昔與故長林許侍御題松竹聯句

牆陰數行字懷舊慘傷情薜荔侵年月莓苔壓姓名逝川
前後水浮世短長生獨立秋風暮凝響隔郢城

遊玉芝觀

尋仙向玉清獨倚雪初晴木落寒郊迴煙開疊嶂明片雲

沅湘耆舊集前編卷第五

四
川
七
一

盤鶴影孤磬雜松聲且共探元理歸途月未生

長沙春望寄涪陽故人

清明別後雨晴時極浦空聲一望眉湖畔春山煙黯黯雲
中遠樹黑離離依微水戍聞疏鼓掩映河橋見酒旗風暖
草長愁自醉行吟無處寄相思

規公業在淨名得甚深義僕近獲顧長康月宮真影
對戴安道所畫文殊走筆此篇以屈瞻禮

五濁之世塵冥冥達觀棲心於此經但用須彌藏芥子安
知牛跡笑東溟生公吐辯眞無敵顧氏傳神實有靈今日
淨開方丈室一飛白足到茅亭

玉眞觀

高情帝女秦乘鸞紺髮初簪玉葉冠原注公主玉葉冠時人莫計其價秋

月無雲生碧落素葉寒露出清瀾層城煙霧將歸遠浮世

塵埃久住難一自簫聲飛去後洞宮深掩碧瑤壇

辱縣州于中丞書信

一緘垂露到雲林中有孫陽念驥心萬木自凋山不動百

川皆旱海長深風標想見瑤臺鶴詩韻如聞淥水琴他日

縱陪池上酌已應難到暝猿吟原注渴疾漸加酒戶日減

重經巴邱追感原注開成初陪故員外從翁詩酒遊茂

昔年高接李膺歡日沉仙舟醉碧瀾詩句亂隨青草發酒

腸俱逐洞庭寬浮生聚散雲相似往事微茫夢一般今日

片帆城下去秋風回首淚闌干

沅湘耆舊集前編卷第五

湘陰江亭御寄友人

湘岸初晴淑景遲風光正是客愁時幽花暮落騷人浦芳

草春深帝子祠往事隔年如過夢舊遊回首謾追思煙波

自此扁舟去小酌文園杳未期

哭郴州王使君

銀章朱紱照雲驄六換魚書惠化崇瑤樹忽傾滄海裏醉

鄉翻在夜臺中東山妓逐飛花散北海尊隨逝水空曾是

綺羅筵上客一來長慟向春風

九日巴邱楊公臺上讌集

淒淒霜日上高臺水國秋深客思哀萬疊銀山寒浪起一

行斜字早鴻來誰家擣練孤城暮何處題衣遠信回江漢

路長身不定菊花三笑旅萍開

奉和張舍人送秦鍊師歸岑公山

仙翁歸臥翠微岑一夜西風月映深松逕定知芳草合玉
書應念素塵侵閑雲不繫東西影野鶴甯知去住心蘭浦
蒼蒼春欲暮落花流水怨離琴

寄張祐

原注祐亦未面
頻寄聲相聞

越水吳山任興行五湖雲月挂高情不遊都邑稱平子只
向江東作步兵昔歲芳聲到童稚老來佳句徧公卿如君
氣力波瀾地畱取陰何沈范名

寄長沙許侍御

三年文會許追隨和徧南朝雜體詩未把彩豪還郭璞乞
沅湘耆舊集

前編卷第五

六
川
文

畱殘錦與邱遲竹齋琴酒歡成夢水寺煙霞賞對誰今日
秋風滿湘浦祇應搔首詠瓊枝

長沙紫極宮雨夜愁坐

獨坐高齋寒擁衾洞宮臺殿昏沈沈春鏡含思靜相伴夜
雨滴愁更向深窮達未知他日事是非皆到此時心羈縻
摧翦平生志抱膝時爲梁甫吟

江樓閑望懷關中親故

搖落江天欲盡秋遠鴻高送一行愁音書寂絕秦雲外身
世蹉跎楚水頭年貌暗隨黃葉去時情深付碧波流風淒
日冷江湖絕駐目寒空獨倚樓

仙明洲口號

長愛沙洲水竹居。暮江春樹綠陰初。浪翻新月金波淺。風
損輕雲玉葉疏。半浦夜歌聞盪槩。一星幽火照叉魚。二年
此處尋佳句。景物常輸楚客書。

送蕭十二校書赴郢州婚姻

蓬萊才子卽蕭郎。綵服青書卜鳳皇。玉珮定催紅粉色。錦
衾應惹翠雲香。馬穿暮雨荆山遠。人宿寒燈郢夢長。領取
和鳴好風景。石城花月送歸鄉。

醉後贈馮姬

黃昏歌舞促瓊筵。銀燭臺西見小蓮。二寸橫波回慢水。一
雙纖手語香弦。桂形淺拂梁家黛。瓜字初分碧玉年。願託
襄王雲雨夢。陽臺今夜降神仙。

沅湘耆舊集前編卷第五

七

廣州陪涼公從叔越臺讌集

一逕松梢踏石梯。步窮身在白雲西。日銜赤浪金車沒。天
拂滄波翠幕低。高鳥散飛驚大旆。長風萬里卷秋聲。玉鈎
挂海笙歌合珠履。三千半似泥。

將欲南行陪崔八讌海榴亭

朝讌華堂暮未休。幾人偏得謝公留。雷風傳鼓角。霜侵戟雲
卷。笙歌月上樓。賓館盡開徐孺榻。客帆空戀李膺舟。謾誇
書劍無歸處。水遠山長步步愁。

湖寺清明夜遣懷

柳暗花香愁不眠。獨凭危檻思淒然。野雲將雨渡微月。沙
鳥帶聲飛遠天。久向飢寒拋弟妹。每因時節憶團圓。錫飡

冷酒明年在未定萍蓬何處邊

九日

年年羞見菊花開十度悲秋上楚臺半嶺殘陽銜樹落一行斜雁向人來行雲永絕襄王夢野水偏傷宋玉懷絲管闌珊歸客盡黃昏獨自詠詩迴

同鄭相并歌姬小飲戲贈

裙拖六幅湘江水鬢聳巫山一段雲風格只應天上有歌聲豈合世閒聞胸前瑞雪鐙斜照眼底桃花酒半醺不是相如憐賦客爭教容易見文君

秣陵懷古

野花黃葉舊吳宮六代豪華燭散風龍虎勢衰佳氣歇鳳沅湘耆舊集

前編卷第五

八

皇名在故臺空市朝遷變秋蕪綠墳塚高低落照紅霸業鼎圖人去盡獨來惆悵水雲中

黃陵廟

小姑洲北浦雲邊二女嗁糝共儼然野廟向江春寂寂古碑無字草芊芊風迴日暮吹芳芷月落山深哭杜鵑猶似含顰望巡狩九疑愁斷隔湘川

送秦鍊師歸岑公山

紫泥飛詔下金鑾列象分明世仰觀北省諫書藏舊草南宮郎署握新蘭春歸鳳沼恩波暖曉入鴛行瑞氣寒偏是此生棲息者滿衣零淚一時乾

潯陽觀水

朝宗漢水接陽臺
哈呀填坑吼作雷
莫見九江平穩去
還從三峽險巖來
南經夢澤寬浮日
西出岷山劣泛杯
直至滄溟涵貯盡
深沈不動浸昭回

謫仙吟贈趙道士

汗漫東遊黃鶴雛
縉雲仙子住清都
三元麟鳳推高座
六甲風雷闕小壺
日月暗資靈壽藥
山河直擬化生符
若爲失意居蓬島
鼇足塵飛桑樹枯

長沙陪裴大夫夜讌

東山夜讌酒成河
銀燭熒煌照綺羅
四面雨聲籠笑語
滿堂香氣泛笙歌
冷泠玉漏初三滴
灑灑金觴已半醅
共向柏臺窺雅量
澄陂萬頃見天和

沅湘耆舊集

前編卷第五

九

寶劍

雷煥豐城掘劍池
年深事遠跡依稀
泥沙難掩衝天氣
風雨終思發匣時
夜雷尙搖池底影
秋蓮空吐鏢邊輝
自從星坼中台後
化作雙龍去不歸

九子坡聞鷓鴣

落照蒼茫秋草明
鷓鴣嗁處遠人行
正穿詰曲崎嶇路
更聽鉤軋格磔聲
曾泊桂江深岸雨
亦于梅嶺阻歸程
此時爲爾腸千斷
乞放今宵白髮生

客愁二首

客愁看柳色
日日逐春深
蕩漾春風起
誰知歷亂心
客愁看柳色
日日逐春長
憑送湘流水
駭駭入帝鄉

洞庭乾二首

借問蓬萊水誰逢青淺年傷心雲夢澤歲歲作桑田
朱宮紫貝闕一旦作沙洲八月還平在魚蝦不用愁

病起別主人

益媿千金少情將一飯殊恨無泉客淚盡泣感恩珠

火鑪前坐

孤鐙照不寐風雨滿西林多少關心事書灰到夜深

古詞

一合相思淚臨江灑素秋碧波如會意卻與向西流

傷小女癡兒

哭爾春日短支頤長歎嗟不如半死樹猶吐一枝花

沅湘耆舊集

前編卷第五

十一

青鷁

獨立蒹葭雨低飛浦嶼風須知毛色異莫入鷺鶩叢

池塘晚景

風荷珠露傾驚起睡鳩鵲月落池塘靜金刀翦一聲

投從叔

可惜出羣蹏毛焦久臥泥孫陽如不顧騏驥向誰嘶

讀賈誼傳

卑溼長沙地空拋出世才已齊生死理服烏莫爲災

寄人

寄語雙蓮子須知用意深莫嫌一點苦便擬棄蓮心

寄韋秀才

荆臺蘭渚客寥落共含情空館相思夜孤燈照雨聲

桂州經佳人故居

桂水依舊綠佳人今不還祇應隨夢雨飛入九疑山

靜夜題

寄友二首

野水晴山雪後時獨行村落更相思無因一向溪頭醉處
處寒梅映酒旗

花落輕寒酒熟遲醉眠不及落花期愁人相憶春山暮煙
樹蒼蒼播穀時

桃源

我到瞿真上升處山川四望使人愁紫雲白鶴去不返唯
沅湘者舊集前編卷第五

十一

有桃花溪水流

題王侍御宅

門向滄江碧岫開地多鷗鷺少塵埃綠陰十里灘聲裏閑

自

一作去

王家看竹來

聞湘南從叔朝覲

長沙地窄卻回時舟楫駸駸向鳳池爲報湘川神女道莫
教雲雨溼旌旗

漢陽太白樓

江上層樓翠靄閒滿簾春水滿窗山青楓綠草將愁去遠
入吳雲暝不還

醴陵道中

別酒離亭十里強半醒半醉引愁長無端寂寂春山路雪
打溪梅狼籍香

旅遊番禺獻涼公

帝鄉羣侶杳難尋獨立滄洲歲暮心野鶴棲飛無遠近稻
梁多處是恩深

引水行

一條寒玉走秋泉引出深蘿洞口煙十里暗流聲不斷行
人頭上過潺湲

歎靈鷲寺山楮

水蝶巖蜂俱不知露紅凝豔數千枝山深春晚無人賞卽
是杜鵑催落時

沅湘耆舊集

前編卷第五

十一
川上文

黃陵廟

黃陵廟前莎草春黃陵女兒茜裙新輕舟短櫂隨歌去水
遠山長愁殺人

案此詩一作湘妃歌

北亭

斜雨飛絲織曉空疏簾半捲野亭風荷花向盡秋光晚零
落殘紅綠沼中

送客往潯陽

春興春愁逐日長遠人天畔遠思鄉蘋生水綠不歸去孤
負東溪七里莊

江南

鱗鱗別浦起微波汎汎輕舟桃葉歌斜雪北風何處宿江

南一路酒旗多

贈人

曾聞宋玉舊衣裳惹得巫山夢裏香雲雨無情難管領任
他別嫁楚襄王

鷓鴣

錦羽相呼暮沙曲波上雙聲戛哀玉霞明川靜極望中一
時飛滅青山綠

沅江漁者

倚櫂汀洲沙日晚江鮮野菜桃花飯長歌一曲煙靄深歸
去滄江綠波遠

和人贈別

沅湘耆舊集

前編卷第五

十三

川八

嘯黛低紅別怨多深亭芳恨滿橫波聲中唱出纏綿意淚
落鐙前一曲歌

病巫山廟二首

寂寞高堂別楚君玉人天上遂行雲停舟十二峯齋下幽
佩仙香半夜聞

廟閉春山曉月光波聲回合樹蒼蒼自從一別襄王夢雲
雨空飛巫峽長

題櫻桃

春初攜酒此花閒幾度臨風倒玉山今日夜深黃滿樹再
來惆悵不能攀

惱從兄

芳草萋萋新燕飛
芷汀南望雁書稀
武陵洞裏尋春客
已被桃花迷不歸

紫極宮齋後

紫府空歌碧落寒
曉星寥亮月光殘
一羣白鶴高飛上
唯有松風吹石壇

春晚

思鄉之客空凝噎
天邊欲盡未盡春
獨攀江樹深不語
芳草落花愁殺人

喜渾吉見訪

公子春衫桂水香
遠衝飛雪過書堂
貧家冷落難消日
唯有松筠滿院涼

沅湘耆舊集前編卷第五

古
111LX

山驛梅花

生在幽崖獨無主
溪蘿澗鳥爲儔侶
行人陌上不畱情
愁香空謝深山雨

重陽日上渚宮楊尙書

落帽臺邊菊半黃
行人惆悵對重陽
荊州一見桓宣武
爲趁悲秋入帝鄉

書院二小松

一雙幽色出凡塵
數粒秋煙二尺鱗
從此靜窗聞細韻
琴聲長伴讀書人

言懷

白鶴高飛不逐羣
嵇康琴酒鮑昭文
此身未有棲歸處
天

下人閒一片雲

二辛夷

狂吟亂舞雙白鶴
霜翎玉羽紛紛落
空庭向晚春雨微
卻斂寒香抱瑤萼

題龍潭西齋

寂寞幽齋暝煙起
滿徑西風落松子
遠公一去兜率宮
唯存門前虎溪水

中秋寄南海梁侍御

海靜天高景氣殊
鯨睛失彩蚌潛珠
不知今夜越臺上
望見瀛洲方丈無

戲贈姬人

沅湘耆舊集

前編卷第五

十五

散子巡拋裏手拈
無因得見玉纖纖
但知謔道金釵落
圖向人前露指尖

大庾山嶺別友人

負管無子鴛雛飢
毛彩凋摧不得歸
誰念火雲千嶂裏
低身猶傍鷓鴣飛

石門戍

到此空思吳隱之
潮痕草蔓上幽碑
人來皆望珠璣去
誰詠貪泉四句詩

文殊院避暑

赤日黃埃滿世閒
松聲入耳卽心閒
願尋五百仙人去
一
世清涼住雪山

南莊春晚二首

連雲草映一條陂灘鷗雙雙帶水飛南村小路桃花落細
雨斜風獨自歸

草暖沙長望去舟微茫煙浪向巴邱沅江寂寂春歸盡水
綠蘋香人自愁

湘妃廟

少將風月怨平湖見盡扶桑水到枯相約杏花壇上去畫

欄紅紫鬪樗蒲

案此詩一見許彥周詩話作女
仙題湘妃廟詩紅紫作紅子

題二妃廟

黃陵廟前春已空子規啼血滴松風不知精爽歸何處疑

是行雲秋色中

羣玉既賦此詩疑春空遂至秋色欲易之
恍若有物告以二年之兆時潯陽太守段

沅湘者舊集

前編卷第五

夫

成式志其事二年後果卒於洪井段以詩哭之云曾語黃
陵事今為白日催老無男女累誰哭到泉臺又酒裏詩中
三十年縱橫唐突世喧喧明時
不作禰衡死傲盡公卿歸九泉



